

釋氏稽古略

六

布毛侍者

法名通... 供奉官元和十年一日奏帝曰臣

里趨謁烏窠禪師於湖上... 多浮盪卿曰本淨非... 空寂即真出家元卿... 碎窠曰諸方學佛法... 窠於身上拈起布毛... 毛侍者建伽藍於喜... 而目皆俱赤因號赤... 談否師曰人傳使君... 椰子大萬卷向其甚... 馬郎婦觀世音也元... 歸但一女也誦普門... 豈能配衆可誦金剛... 法華經七卷約三日... 迎二女曰適體中不... 稽古三

亦眼
歸宗

數日有老僧杖錫謁馬氏... 已化唯黃金鎖子之... 故垂方便化汝耳宜... 佛者衆泉川槃和尚... 骨頭挑去後不知明... 月落誰家... 清涼國師清涼大統... 道本乎其心心法本... 以迷現量則感苦紛... 知然有證有知則忘... 引若一念不生則前... 得然迷悟相依真妄... 處陰影滅若無心忘... 任其去住靜察覺其... 亡知寂論觀則雙照... 悟寂無寂真知無知... 元和四年五月勅有... 鑄金印加清涼國師... 統國師主教門

稽古三

三十七

事帝問師曰華嚴所說何謂法界師曰法界者衆生身心之本體也
從本以來虛明廣大唯真境而已無有形貌而森羅大千無有邊
際而含容萬有昭昭於心目之間而相不可觀晃晃於色塵之內而
理不可分非徹法之慧目斷念之明智不能見自心如此之靈通也
故世尊成成正覺歎曰奇哉一切衆生具有如來智慧德相但以妄
想執着而不證得於是稱法界性說華嚴經全以真空簡情事理融
攝周遍寂寂帝聽於玄談
廓然自得瞞瞞

護國真身佛骨 已亥元和十四年正月帝遣中使杜英奇持香華往
鳳翔府法雲寺護國真身塔所請釋迦文佛指骨入

內帝御坐福門迎拜留禁中供養三日五色光現百條稱賀歷送諸
寺釋部威儀太常以安萬年音樂旌幡鼓吹偉盛殊特刑部侍郎韓
愈上表陳諫引古言今稱帝壽國祚之不延求帝大怒以表示宰輔
將抵以死裴度崔群爲解之貶潮州刺史愈到郡之初以表哀謝勸
帝東封心山以無報稱鬱不樂聞郡有大顛禪師道德名重以書
招之三招而大顛至顛之言論超勝留數十日或入定數日方起愈
甚敬焉師與愈絕神靈上乃遣靈山造師之廬問曰弟子軍州事
繁省要與乞師一句師曰乞不顧公因措時三平爲侍者乃蓋床一

下師云作麼平云先以定動後以智拔公乃拜三平而謝曰和尚門
風高峻愈於待者與得箇入師師問愈曰子之貌鬱然似有不擇何
也至曰愈之用於朝事極厚矣一旦以忠言不用竄逐入千里播越
嶺海喪吾女擊毒霧毒氣日夕發作今黜於無人之地其生詎可保
乎愈之來也道出廣陵廟而禱之幸蒙其力而卒以無恙以主上有
中興之功已奏章道之使東郊泰山奏功皇天似有意於此則庶幾
召愈述作功德而薦之郊廟焉愈早夜待之而未至冀萬一於速歸
愈安能有擇乎顛曰子直言於朝上心於君而不顧其身耶抑尚顧
其身而強言之以徇名耶言則名存而名存則名存則名存則名存
逐事之必至何介於言中哉苟患此逐則盡勿言而已吾聞之爲
人臣者不擇地而安不量勢而行今子遇逐而不擇移時而求徇殆
非人臣之正也且子之死生禍福豈不懸諸天乎子姑自內脩而外
任命可也汝廣陵其能福汝耶主上以奸臣負國而討之不暇僅能
克平而瘡痍未瘳方此之際而子又欲封禪告功以騷動天下而屬
意在乎已之欲歸子奚忍於是耶且夫以窮自亂而祭其鬼是不知
命也動天下而不顧以便己是不知仁也強言以十忠遇困而抑鬱
是不知義也以亂爲治而告皇天是不知禮也而子何以爲之且子
之遭黜也所言何事愈曰主上迎佛骨入大山愈以佛者夷狄之法

三代無佛而年祚永久晉宋梁魏事佛不天則亂愈恐主上惑於此是以不顧其身而斥之顛曰若是則子言謬矣佛也者覆天人之大器也其道則妙物而為言其言則盡性命之理其教則捨惡而趨善去偽而歸真其視天下猶父之於子也而子毀之是猶子而刃父也吾聞善觀人者觀其道之所存而不較其所居之地桀紂之君跣躄之臣皆中國人也然不可法者以其無道也舜生東夷文王生西夷由余生于戎季孔出於蠻彼二聖二賢豈可謂之夷狄而不法乎今子不觀佛之道而徒以為夷狄何言之陋也子以上古未有佛而不法耶則孔孟生衰周而蚩尤瞽叟生上古矣豈可捨衰周聖賢而法上古凶頑哉子以五帝三王之代不有佛而長壽也外丙二年仲壬四年何其天邪書無逸曰自時厥後亦罔或克壽或十年或四三年也以漢晉之隔人主天且亂則漢明為一代之英主梁武壽至八十六豈必皆天且亂耶愈曰余謂佛者口不道先王之法言而妄倡乎輪迴生死之說身不踐仁義忠信之行而詐造乎報應禍福之故無君臣之義無父子之親賊先王之道愈安得默而不斥之乎顛曰甚哉子之不達也有人於此終日數十而不知二五則人必以為狂矣子之終日言仁義忠信而不知佛之言常樂我淨誠無以異也且子誦佛言其疑與先王異者可道之乎曰愈何暇讀彼之書顛曰子

稽古三

未嘗讀佛之書則安知不談先王之法言耶無乃以嘗讀孔子之書而遂疑彼之非乎抑聞人以為非而遂非之乎苟以嘗讀孔子之書而疑彼之非是舜夫也聞之以為非而遂非之是妾婦也昔舜畜犬犬所見者唯舜一日堯過而吠之非愛舜而惡堯以所常見者舜未嘗見堯也又聞女子之嫁也母送之曰往之汝家必敬必戒無違夫子然則從人者妾婦之事安可從人之非而不考其所以非之者乎夫輪迴生死非妄造也此天地之至數幽明之妙理也以物理觀之草木根莖槁而復生則其性復又何惟馬孔子曰原始要終故知死生之說述子曰萬物皆化於土入於機質誰曰化為異類乎又何足患此皆輪迴之說不壞於理而明也馬得謂之妄乎且子云以禍福報應為詐造此尤足見子之非也大善惡之報皆神理自然之應易曰積善有餘慶積惡有餘殃又曰鬼神害盈而福謙曾子曰戒之戒之出乎爾者反乎爾者也此皆報應之說也唯佛能隱惻乎人之禍福是以彰明較著言其必至之理使不自陷乎此耳豈詐造哉又言佛無君臣之義父子之親此固非子之所及也事固有在方之內者有在方之外者方之內者衆人所共守之方之外者非天下之至神莫之能及也故聖人之為言也有與衆人共守而言之者有盡天下之至神而言之者彼各有所當也孔子之言道也極之則無思無為寂

然不動感而遂通此非衆人所共守之言也衆人而不思不爲則天下之理幾乎息矣佛與人臣言必依於忠與人子言必依於孝此衆人所共守之言也及其言之至則有至於無心非唯無心也則有至於無我非唯無我也則又至於無生矣則陰陽之序不能亂而天地之數不能役也則其於君臣父子固有在矣此豈可爲單見淺聞者道哉今吾告汝以佛之理蓋無方者也無體者也妙之又妙者也其比則天也有人於此終日譽天而天不加榮終日詬天而天不加損然則譽之詬之者皆過也夫自漢至於今歷年如此其久也天下事物變革如此其多也君臣士民如此其衆也天地神明如此其不可誣也而佛之說乃行於中無敢議而去之者此必有以蔽天地而不耻關百聖而不慚妙理存乎其間然後至此也子盍深思之乎今吾告汝以學者必考乎道之遠者焉道之遠則吾之志不能測者矣則必親夫人之賢於我者彼之賢於我者以此爲是矣而我返見其非則是我心有所未盡知者也故深思彼之所是而力求之則庶幾乎有所發也今子屑屑於形器之內奔走乎聲色利欲之間少不如意則憤鬱悲躁若將不容其生何以異於蚊虻爭穢壤於積藁之間幾於是愈瞠目而不收氣喪而不揚茫然有若自失逡巡謂大顛曰言盡於此乎顛曰吾之所以告子者蓋就子之所能而爲之言非至

平至者也曰愈也不肖欲幸聞其至者可乎顛曰誠爾心盡爾性窮物之理極天之命然後可聞也爾去吾不復言矣愈趨而出爍軒八月帝與宰臣語及愈有可憐者授表州刺史復造廬施衣二襲而語別曰愈也將去師矣幸聞一言卒以相愈顛曰吾聞易信人者必其守易改易譽人者必其謗易箴子聞吾言而易信之矣庸知復聞他說不復以我爲非哉遂不告愈知其不可有聞乃去至表州孟簡尚書知愈與大顛遊以書抵愈嘉其信嚮愈答簡書稱大顛頗聰明識道理實能外形骸以理自勝不爲事物侵亂雖不盡解其語要且自習中無滯碍因與之性遷也辯軒潮州靈山大顛禪師諱寶通漳州楊氏子嗣南嶽石頭希遷禪師遷嗣吉州青原行思思嗣六祖大鑑禪師是年抑子厚卒

庚子元和十五年正月庚子帝崩閏月皇太子即位于太極殿

穆宗

諱恒憲宗第三子元和七年立爲皇太子在位四年壽三十歲

長慶

辛丑長慶元年

三月盧龍節度使劉恣舉幽燕二十餘郡歸朝乞爲僧詔賜僧衣號大覺大師署所居第爲報恩寺煇

壬寅長慶二年三月帝遣左街僧錄靈阜貴詔起汾州無業禪師赴
開阜至宣詔畢稽首曰主上此度恩旨不同願師起赴師笑曰貧
何德累煩人主汝可先行吾即往矣遂沐浴敷座告門人慧悟等
汝等見聞覺知之性與太虛同壽一切境界本自空寂迷者不了
被境惑一為境惑流轉不窮常了一切空無一法當情是諸佛用
心即言訖端坐至中夜而逝阜回奏其事帝欽嘆久之賜謚大達國師

師家憲穆兩朝敬重凡三詔不赴師
商州今陝西商州之西杜氏子嗣馬祖僧

十月帝幸善因寺施僧緡錢一百萬
十一月詔立景王湛為皇太子諱

癸卯長慶三年八月帝幸長慶宮遇持鉢僧施絹二百疋唐書
湖州東寺如會禪師入寂壽八十韶州人嗣馬祖一禪師僧

戒。甲辰長慶四年冬帝崩于寢殿敬宗即位于太極東序十二月徐泗
壇觀察使王智興以帝生日請於泗州置戒壇度僧尼以資福帝許之

杭州永福寺刊石壁法
華經元稹為記唐書

敬宗 湛穆宗長子在 寶曆
位二年壽十八 二

稽古三

四十一

乙巳寶曆二年

丙午 寶曆二年十
二月帝崩

文宗 昂穆宗第二子初封江王敬宗無
子立江王在位十三年壽三十三

太和九
開成五正朔

丁未太和元年

大洪山 隨州大洪山隸山南江北慈忍靈濟大師名善信隆興洪州張氏

憲宗元和中隸洪州開元寺僧籍參馬祖一禪師密契心要敬宗寶
曆二年抵隨州太湖山側居焉屬時亢旱鄉人張武陵具羊豕以祈

湖龍師見而悲之曰害命濟命重增乃罪可且勿殺少須三日吾為
爾祈師即入山北之巖穴宴坐冥禱雷雨大作數日後武陵迹而求

之師方在定武陵即施其山興建精舍以二子給侍左右學侶依繼
遂成法席至是太和元年五月二十九日師密語龍神曰吾前以身
代牲餼汝血食今捨身償汝可享吾肉即引刀截右膝復截左膝門

人奔持其刃白液涌流儼然入寂山南東道奏上其狀帝嘉之賜所居額幽濟禪院石晉天福中改為奇峯寺宋神宗元豐元年又改曰靈峯寺哲宗元祐二年九月詔改為十方禪寺移洛陽少林寺長老報恩住持禪師嗣馬祖一禪師

藥山 禪師惟儼絳州韓氏年十七依潮陽西山慧照禪師出家納戒於衡嶽希操律師博通經論嚴持戒律首造石頭頭指之見馬

祖復還石頭領悟心要後住澧州藥山海眾雲台尚書李翱字習之刺朗州德也慕師之道入山謁之山誦經不顧李曰見面不如聞名

師呼之李應諾山曰何得貴耳賤目李謝之乃問曰如何是道山以手指上下云會麼李曰不會山云雲在青天水在餅李忻然答以偈

曰鍊得身形似鶴形千株松下兩函經我來問道無餘說雲在青天水在餅又問如何是取定慧山云這裏無此閑家具李領解辭去師

嗣石頭遷禪師至是太和二年入寂壽八十四勅謚弘道大師塔曰化城鑄

龍潭 澧州龍潭崇信禪師渚宮人澧州門州家居荆南城天皇寺巷棲止焉師嗣天皇道悟禪師悟嗣石頭遷遷嗣青原思禪師思嗣六祖尊者信接弟子曰德山宣鑒鑄

石壁經

太和三年蘇州重玄寺刊石壁經成白侍郎居易為碑畧曰夫開示悟入諸佛知見以了義度無邊以圓教垂無窮莫尊

於法華經凡六萬九千五百五言蓋無生忍造不二門住不思議解脫莫極於維摩經凡二萬七千九十二言攝四生九類入無餘涅槃

實無得度者莫先於金剛經凡五千二百八十七言壞罪集福淨一切惡道莫急於尊勝陀羅尼經凡三千二十言應念隨願生極樂土

莫大於彌陀經凡一千八百言用正見觀其相莫出於普賢行法經凡六千九百九十言論自性認本覺莫深於實相法密經凡三千一

百五言空法塵依佛智莫過於般若心經凡二百五十八言是八種經具十二部三乘之要旨萬佛之祕藏盡矣詳觀般若心經凡有

三譯二百五十八言者太宗貞觀間玄奘三藏法師之譯也譯之第三者也詳觀

丹霞

鄧州丹霞天然禪師六月入寂壽八十三勅謚智通禪師初師本業儒將應舉長安偶禪者於旅邸禪者問曰仁者何往曰選

官去禪者曰選官何如選佛曰選佛當往何所禪者曰今江西馬大

師出世是選佛之場霞乃直造江西見祖以手拓幞頭額馬祖視之曰南嶽石頭是汝師也遂抵石頭以手拓幞頭額石頭曰着槽廠去霞禮謝入行者房隨次執爨役凡三年忽一日石頭告眾曰來日割

之場

佛殿前草及則凡大衆諸童行各備鐵鑊剗草霞獨以盆火洗頭跡
石頭前石頭笑而為之剝落從而為之說戒霞遂掩耳而趨去再謁
馬祖入僧堂坐聖僧頭馬祖曰我子天然即拜馬祖謝師賜與法號
因名天然也今之僧堂曰選佛場本於此也師嗣石頭五年入報慶
○觀世音菩薩現像帝嗜蛤蚧於海官吏先時遞進人亦勞止至是太
香呪之乃張菩薩形儀梵相具足帝貯以金粟檀香合賜與善寺令
衆瞻禮因問群臣斯何祥也或奏太乙山惟政禪師深明佛法博聞
知見乞詔問之即詔師至帝問其說政曰物無虛應此乃啓陛下信
心耳契經云應以此身得度者即現此身而為說法帝曰菩薩身已
現且未聞說法政禪師曰陛下翻此為常耶非常耶信耶非信耶帝
曰希有之事朕深信焉師曰陛下信心聞說法竟皇情悅豫得未曾
有詔天下寺院各立觀音像以答殊休留師於內道場累辭歸山詔
令住聖壽寺師平原人姓周氏受業本州延和寺之詮澄法師得法
於嵩山普寂禪師隱居太乙山學者盈室武宗初入居終南山
終後閣維收舍利四十九粒建塔焉嵩山寂嗣北宗秀禪師麟
○癸丑太和七年十月帝誕節召法師
如玄與道士入麟德殿論道麟

稽古三

南泉 池州南泉禪師名普願鄭州新鄭王氏子幼慕空宗肅宗至德
二年依大隗山大慈禪師受業詣嵩嶽受具足戒初習相部舊

章究毗尼篇聚遊諸講肆歷聽楞伽華嚴入中百門觀精練玄義後
入馬祖之室頓忘筌蹄悟明心地德宗貞元十一年憇錫池陽不下
南泉三十餘載至是太和初宣城康使陸巨大夫請師下山仲弟子
禮請振玄綱以說法要不和八年十二月示疾告門人曰星翳燈幻
亦久矣勿謂吾有去來也

言訖而逝師嗣馬祖麟

道吾 潭州道吾山禪師名宗智龍興海昏張氏子幼依藥和尚受教
登戒叅扣藥山密契心印到鎮江鶴林指夾山見船子誠禪師

於華亭至此太和九年九月七日入寂闍維得靈骨數片舍利建塔
道吾山壽六十一勅謚修一大師塔曰寶相後雷遷其塔于石霜山

之陽師嗣藥山麟

船子 華亭朱涇船子和尚名德誠遂寧府人得法於藥山至華亭泛
小舟隨綠度日人莫知其高行因號曰船子和尚富有詞句後

因道吾指夾山會禪師來參山既解悟別去已頻頻回顧師遂喚闍
黎山回首師豎起拄杖曰汝將謂別有那乃覆舟入水而逝師嗣藥山

丙辰開成元年

衢州子湖巖禪師名利蹤澶州人姓周氏出家幽州

成二年邑人翁遷貴施山下子湖創院以居師師於門下立牌曰子湖有一隻狗上取人頭中取人心下取人脚擬議則喪身失命臨濟

會下二僧然綴揭簾師喝曰看狗僧回顧師便歸方丈億宗廣明元年入寂塔于本山師嗣南泉願鐸燈

○戊午開成三年三月清涼國師澄觀入寂壽一百二歲臘八十三加大統國師帝謂以祖聖宗仰特敕朝三日重臣縞素奉全身塔終南山未幾有梵僧至闕表稱於葱嶺見二使者凌虛而過問之荅曰北

印度文殊堂神也東取華嚴菩薩大牙歸國棋養有旨啓塔果失一牙遂闍維舌根不壞如紅蓮色舍利光明瑩潤塔之賜塔曰妙覺相

國裴休奉勅撰碑勅寫師真奉安大興唐寺煇舊宋太宗時贊寧僧統撰大宋高僧傳稱國師憲宗元和間入寂春秋七十餘二說不同

今並存之唐舊史曰德宗貞元十五年四月帝誕節勅有司備儀輦迎教授和尚澄觀入內殿闡揚華嚴宗旨觀聖高座曰大哉真界萬

法資始包空有而絕相入言相而無迹妙有不有真空不空我佛得之妙淺真覺廓淨塵習寂寥於萬化之域動用於一空之中融身刹

以相含流聲光而遐燭我皇得之靈鑒虛極保合太和聖文掩於百

稽古三

王淳風扇於萬國敷玄化以覺夢垂天真以性情是為華嚴教旨恢廓冲邃不可得而思議矣失其旨也徒修因於曠劫得其門也等諸

佛於一朝帝顧謂群臣曰朕之師言雅而簡辭典而富能以聖法清涼朕心仍以清涼賜為國師之號朕思從來執身心我人及諸法定

相斯為顛倒群臣再拜稽首頂奉明命由是中外台輔重臣咸以入戒師禮之

○庚申開成五年春正月帝崩帝之弟武宗立九月召道上趙歸真等入禁中修金籙道場十月武宗昇玄壇親受法籙左拾遺王哲諫云

王業之初不宜崇信太過

武宗

炎穆宗第五子初封穎王先是文宗太子求薨無子立敬宗子陳王成美為皇太子及文宗崩中尉仇士良等矯詔廢太子立穎王

為皇太子即位位六年壽三十三

辛酉會昌元年

六月以衡山道士劉玄靜為光祿大夫充崇玄館學士六祖下五世圭峯宗密禪師入寂鐸燈

雲巖

潭州雲巖禪師名曇晟鍾陵建昌王氏少出家於石門參百丈海禪師二十年因緣不契後造樂山山曰百丈說甚廣法師曰

一曰上堂大眾立定以拄杖一時趨散復召大眾眾迴首丈曰是甚
廢山曰今日因子得見海兒師於言下頓悟便禮拜至是會昌元年
十月二十六日喚主事令備齋來日有上座發去至二十七夜入寂
茶毘得舍利一千餘粒瘞于石室初謚無住大師塔曰淨勝師嗣藥
山儼禪師接弟子洞山价
曹洞宗本於師也鐫燈

九座山 癸亥會昌三年正覺大師諱智廣興化軍仙遊人憲宗元和
二年示生初參鹽官安國師及鄂州無等禪師有省遂南歸

止泉州常持鐵鉢以一白犬自隨至是武宗將廢教乃遁巖谷宣宗
復教復出南山巖宗成通六年抵此九山之所逢巨蟒欲來吞師師
錫先飛撐江蟒口師入蟒口跌坐逮師出定蟒化為石矣既而雷雨
湧沙成院基址由是山之神移山八維院居其中成九座焉師僖宗
乾符三年示寂昭宗乾
寧二年勅諡正覺大師

○甲子會昌四年二月詔以道士趙歸真為左右街道門教授先生帝
銳意求仙歸真乘寵每排釋氏帝然之復請與釋氏辯論有旨追僧
道於麟德殿談論法即知玄登論座辯捷精壯道流不能屈玄因奏
曰王者木禮樂一憲度吐納服食蓋山林匹夫獨擅之事願陛下不

稽古二

四十五

足留神帝色不平侍臣諷玄賦詩以自釋玄立進五篇有
鶴背傾危龍背滑君王且住一千年之句帝知其刺糖嬉

汰○乙丑五年趙歸真薦舉鄧元超僧劉玄靖等愈排釋氏五月勅併省
僧

天下佛寺選汰僧人福州龜洋智禪師慧忠作十偈今出其三篇
明月分形處新白衣寧墜解空人誰言在俗方脩道金粟羅摩曾
為長者身忍憊林下坐禪時曾披歌王割截肢况我朝無此事只
令休道亦何悲形容雖變道常有混俗心源亦不昏試讀善財巡禮
偈當年豈例是沙門忠揚州柳氏子嗣草堂義義嗣撫州曹山耽章
禪師本寂寂
嗣洞山价鐫燈

○丙寅會昌六年帝餌方士金丹疽發背旬日不能
言三月崩宣宗即位夏四月辛未朔宣宗始聽政

宣宗

忱憲宗第十三子封光王為人嚴重寡言宮中咸以為不慧武宗
不豫中尉馬元贄立之為皇太叔即帝位有年位十三年壽五十歲

復佛之教以古常侍李景讓為浙西觀察使初景讓母鄭氏性嚴明
早寡家貧居洛陽諸子皆幼母自教之一日它後占墮因而潰陷得
錢盈船奴婢喜走告母母往焚香祝之曰吾聞無勞而獲身之災也
天必以先君餘慶矜其貧而賜之則願諸孤他日學問有成乃其志

無勞
而獲

也此錢不敢取還命掩而第人三子景讓景溫景莊皆舉進士
及弟景讓宦達髮已班白小六過不免母之捶楚也

太中
十三

丁卯大中元年

閏二月詔曰會昌季年併省寺宇雖云異方之教有
資為理之源中國之人久行其道釐革過當事体乖

謬其靈山聖境應會昌五年所廢寺宇諸宿
舊僧可仍舊修復住持有司毋得禁止齋齋

畫彌陀佛

是年太子少傅白居易薨年七十五贈尚書左僕射白與
行簡敏中友愛所居洛陽履道里疏沼種樹架石檀香

喬山鑿八節灘號醉吟先生又自稱香山居士與胡景等九人宴集皆
高年不仕人慕之繪為九老圖既卒以其所居第施為佛寺少傅嘗

畫河彌陀佛像禮事之自為之記畧曰我本師釋迦如來說言西方
有世界號極樂以無八苦惡道故也其國號淨土以無三毒五濁

佛業故也其佛號阿彌陀以壽無量願無量功德相好光明無量故也
諦觀此娑婆世界眾生無賢愚無貴賤無幼艾有起心歸佛者舉手

合掌必向西方有怖厄苦惱開口發聲必先念阿彌陀又範金合土
刻石繡紋乃至印水聚沙童子戲者莫不率以阿彌陀佛為上首不

小史

稽古三

四十六

知其然而然由是而觀是彼如來有大誓願於此眾生眾生有大因
緣於彼國土明矣不然南此東方過現未來佛多矣何獨如是哉唐
中大夫太子少傅白居易當衰暮之歲中風痺之疾乃捨俸錢三十
萬命工畫西方世界一部阿彌陀佛坐中央觀音勢至二大士侍左

得樂 觀西方青蓮上品隨願往生現在未來常得親近欲重宣此義而說
生眾生有如我老者如我病者願離苦得樂斷惡脩善不越南部便
讚曰極樂世界清淨土無諸惡道及眾苦願如我身老病者同生無

量壽佛
所樂集

○戊辰二年觀察使裴休守宣城常與各緇講道門人謂公曰敢問三
界之言未立人不知脩行不見因果景福者不為之少泊斯教也

疑 行乎中國愚人畏罪損其惡賢人望福增其善增之不已則至今當
盡善矣損之不已至今當無惡矣何昏迷暴虐無戒於秦漢之前福

吾人盡昇路不宜出庶類由古至今若斯之迷也由之之固庸
非溺乎公笑謂之曰大明肇啓法不齊備聖人繼出代天為工結繩

畫卦文質滋改一聖立一法生天道人事顯若符契夫燧人氏之未

有火也則天無火星。人無火食龜無火。此物無火。災必矣。少昊氏之未理金也。則天無金星。人無金。用龜無金。此物無金。災必矣。及聖人攻木出火。鍛石取金。於是乎精芒主宰。騰變上下。則知世法時事。隨聖人也。考精神之源。窮性命之表。作大方便。護於群生。群生受之。而不知蓋猶天道運行。物以生茂。皆謂自己。孰知其然也。於是問者廓然自得。佛味及詔許立寺。而宣城士民相鼓以萬請。先立之於宣郭。遂復新興寺焉。休乃禮迎黃檗希運。

二。已巳三年。湖南觀察使裴休。謁潭州華林覺禪師。問有侍者否。師曰。有一兩箇使云。在甚處。願覺乃喚大空小空。一虎自菴後而至。使驚。

李馬祖一禪師。

黃檗

洪州西山揚州之驢黃檗山禪師。名希運。閩人也。幼於福州黃檗山出家。受具。京師往。江西參百丈海禪師。契悟心要。相國裴

心要

休鎮宛陵。建大禪苑。請師說法。遂以黃檗名其寺。休既契心。集師所說法語類之成。快題曰黃檗心要。入大藏流行。至是大中四年八月。

師入滅。訖斷除禪師塔曰廣慈。師嗣百丈海海嗣馬祖道一禪師。

稽古三

四十七

弘

辛未大中五年正月。詔京兆大薦福寺弘辯禪師入內。帝問禪宗何有。南北之名師。奏曰。禪門本無南北。自諸祖至弘忍。大師有二弟子。

一慧能。受衣法。居嶺南。一神秀。在北。揚化得法。雖一而開導發悟。有頓漸之異。故曰南頓北漸。非禪宗有南北之號也。帝曰。何名戒定慧。

對曰。防非止惡名戒。六根涉境。心不墮緣。名定。心境俱空。照覽無惑。名慧。帝曰。何名方便。對曰。隱實覆相。權巧之門也。彼接中下。曲施誘

進。明之方便。設為上根。言捨方便。但說無上道者。斯亦方便之談。以

佛心

西天之語。唐言覺。謂人有智慧。覺照為佛心。心者佛之別名。有百千

名。對曰。如來出世。隨根器而說。為上根者。開寂上乘。頓悟至理。下

者。未能頓曉。是以佛開觀門。令念佛生於極樂。帝曰。有持經呪求

佛如何。對曰。如來種種說法。皆為一乘。如百千眾流。莫不朝宗於海。

如是差別。諸緣皆歸薩婆。若海帝曰。祖師既傳心印。金剛經云。無所得法。如何。對曰。佛之一化。實無一法與人。但示各自性。同一法。戲

當時然燈如來。但印釋迦本法。而無所得。方契然燈本意。帝曰。禪師

自會祖意。還禮佛看經。否。對曰。沙門禮佛誦經。蓋是任持常法。有四

種焉。依佛戒脩身。參尋知識。漸脩梵行。履踐如來所行之迹。帝曰。何

為頻見何為漸脩對曰頻明自性與佛無二然有無始染習故假漸脩對治令順性起用如人喫飯非一口便飽是日辯對漏下七刻帝悅賜號圓智禪師繼有詔旨增脩天一祖塔應未經賜謚者所在以聞太常考行頒賜謚唐弘辯京兆人也嗣章敬寺懷暉禪師禪泉

州人姓謝氏憲宗元和十三年入寂謚大覺禪師嗣馬祖鑄

東林。壬申大中六年詔復江州廬山東林寺刺史加謚崔黯為碑詔加謚遠法師辯覺二字

。瀉仰宗 潭州瀉山禪師名靈祐福州長谿人姓趙氏年十五出家住本郡建善寺法常律師剃髮受具於杭州龍興寺究大小乘

教二十三遊江西參百丈海禪師悟明心法有司馬頭陀者自來言於百丈曰瀉山一千五百人善知識所居之地也師於百丈書中應命而往營構梵宇值武宗毀教裹頭隱於民大初觀察使裴休請師復至所居連帥李景讓奏額曰同慶寺禪會特盛緇侶輻輳師敷揚宗教凡四十餘年達其道者不可勝數入室弟子四十一人至是大中七年正月九日盥漱臥坐怡然而逝壽八十三臘六十四塔于本山教謚大圓禪師塔曰清淨相國鄭愚為碑師嗣百丈海禪師海嗣馬祖一禪師鑄

稽古三

四十八

仰山屬江西袁州路場禪師名憲寂詔州懷化人姓葉氏年九歲於廣州和安寺投通禪師出家十四披剃未登具即遊方初謁耽源耽忠國師侍者應真也已悟玄旨耽源曰國師當時傳得圓相九十七箇乃六代祖師所留也授與老僧記之曰吾滅後三十年南方有一沙彌到來大與此教次第傳授無令斷絕今適子來當以付之無令斷絕師既頌玄旨後叅瀉山遂陞堂與師卧次夢入天宮彌勒內院居第二座有一尊者白槌云今當第二座說法師起白槌曰摩訶衍法離四句絕百非諦聽諦聽衆皆散去一日忽有梵僧從空而至師問曰近離甚處曰西天曰幾時離彼梵曰今早師曰太遲生曰遊山翫水師曰神通遊戲則不無關黎梵曰特來東土禮文殊却遇小釋迦遂出梵書貝多葉數十與師作禮乘空而去自此號師小釋迦焉梁貞明二年丙子歲師再遷東平說偈曰年滿七十七無常在今日日輪正當午兩手抱屈膝言訖以兩手抱膝而終閱明年嗣法弟子南塔光涌禪師遷靈骨歸仰山塔于集雲峯下教謚智通禪師妙光之塔師嗣瀉山祐禪師法道盛化人皆宗之曰瀉仰宗。寂初住王莽山信宗乾符六年山神請曰東南有大仰山福地也師乃遷焉。甲戌大中八年終南山初有一僧結庵習定一日有候竊其伽黎衣披而宴坐隨有群候皆習定坐有脫去者今有五獮候塔至是信宗

狻猊

御製讚曰嗟汝狻猊能入定心猿不動幾千春罷攀紅樹三冬菓休弄碧潭孤月輪雙眼已隨青嶂合兩眉猶對百花顰自從坐脫終南

戒牒

受戒給牒 丙子大中十年勅法師辯章為三教首座初令僧尼受戒給牒

戊寅十二年冬十月司空門下侍郎同平章事令狐綯擬李遠杭州刺史帝曰吾聞遠詩長日唯消一局碁安能理人綯曰詩人託此

為高興耳未必實然帝曰且令往試觀之

三世同居

萬敬孺廬州人三世同居喪親廬墓刺指血書佛經郡守改其所居里曰成孝鄉廣孝聚至是大中十二年有司申

聞帝勅旌表其家

藤蘿尊者

溫州瑞安本寂禪院僧無繹因武宗會昌沙汰隱于東北谷結庵禪定閱十年藤蘿纏繞儼然不動人號之藤蘿尊者

者後人立祠至今奉祀之

五

稽古三

四十九

己卯

大中十三年八月帝崩宣宗性明察沈斷用法無私從諫如流重惜官賞恭謹節儉惠愛民物故大中之政訖於唐亡人思諫

之謂之小太宗權

懿宗

諱漼宣宗長子始封鄆王在位十四年壽三十一歲

庚辰咸通元年

普化

鎮州普化和尚不知何許人也事盤山密受真訣唯振一鐸伴狂街市或居塚間至是咸通元年振鐸凌空隱隱而逝莫測其

由師嗣盤山積禪師積嗣馬祖

戒壇

壬午咸通三年二月杭州大慈山寰中禪師入滅壽八十二勅謚性空禪師師蒲阪人姓盧氏嗣百丈海禪師夏四月勅兩街四寺各置

戒壇剃度僧流三十七日

水懺

匡宗大德諱知玄姓陳氏咸通四年制署號悟造國師總教門事十二年五月帝幸安國寺賜師沈香裝飾寶座高二丈餘珍

麗絕甚僖宗中和二年駕幸蜀避黃巢至成都遣御史郭遵賈璽書召師赴行在次年師自成都行宮辭還九龍山一珠隆起于左股楚甚是曰人面瘡遇異僧引水洗瘡知為晃錯袞益究對也今之水懺三卷者緣起於師也師亦自知時謝右脇安然而逝師三學洞貫名蓋一時世稱

陳菩薩齋請

德山

朗州德山禪師名宣鑿簡州人姓周氏卅歲出家依年受具精究律藏於性空寺通貫諸經旨趣常講金剛般若時謂之周金

剛不信南方宗禪之道乃曰出家兒千劫學佛威儀萬劫學佛細行不得成佛南方魔子敢言直指人心見性成佛我當樓其窟穴滅其種類以報佛恩遂檐青龍疏鈔出蜀至澧陽路上買油糍點心婆子指其擔曰這箇是甚麼師曰青龍疏鈔婆曰講何經師曰金剛經婆曰我有一問若道得我當供上座油糍若道不與油糍婆乃曰曰經中道過去心不可得未來心不可得現在心不可得未審上座點那箇心師無語乃不得油糍而去遂之澧州龍潭寺至法堂曰久嚮龍潭及乎到來潭又不見龍又不現潭隱身曰子親到龍潭師無語求棲止焉一夕侍立潭曰更深何不下去師便出却曰外面黑潭點紙燭度與師擬接潭即吹滅之師當下大悟便禮拜潭曰子見

稽古三

五十

箇甚麼師曰從今向去更不疑天下老和尚舌頭也來日將所携疏鈔於法堂前焚之舉火曰窮諸玄辯若一毫置於太虛竭世樞機似一滴投諸巨壑辭去抵瀉山復還住澧陽三十年屬武宗發教隱於獨浮山之石室宣宗大中初武陵刺史薛廷望再葺德山精舍號古德禪院請師住持不肯下山延望設詭計以茶鹽誣師致之入州禮敬堅請然後居之以闡玄化至是咸通六年十二月三日謂衆曰捫空追響勞汝心袖夢覺覺非竟有何事言訖安○武陵唐為州州坐而化勅謚見性禪師嗣龍潭崇信禪師鑄燈○今常德路荆城

臨濟宗

鎮州真定路也臨濟禪師名義玄生曹州南華邢氏自幼剃落初到黃檗時睦州陳尊宿為首座問師在此幾時師曰在

此三年州指其問佛法的大意檗便打三度問三度打師乃辭睦州曰自恨障緣不領深旨今且辭去州曰須辭和尚睦州語檗曰問話上座若來辭方便接伊已後為一株陰涼大樹覆蔭天下人去在師辭檗曰往高安叅大愚去師至高安愚曰甚處來師曰黃檗愚曰黃檗有何言句師曰某甲三度問佛法的大意三度被打不知有過無過愚曰黃檗與麼老婆心切師於言下大悟乃曰元來黃檗佛法無多子你見箇甚麼道理速道師於大愚肋下築三拳愚曰

開曰汝師黃葉非于我事却回黃葉曰來來去去有甚了期師曰
祇為老婆心切使人事了侍立壁曰大愚有何言句師舉前話壁曰
大愚老漢饒舌衍來痛與一頓師曰說甚待來即今便打遂掌黃葉
壁曰這風顛漢來這裏將虎鬚師便喝壁云侍者引之叅堂去師後
住鎮州臨濟聖化雲集乃曰大九演暢宗乘一句中須具三玄門一
玄門須具三要 有權有實有照有用汝等諸人作麼生會後居大各
府興化寺東堂至是咸通八年四月十日說偈曰公流不止問如何
真照無邊說似他辭相離名人不稟吹毛用了急須磨端坐而逝塔
全身于府西北隅勅諭慧照禪師塔曰澄靈嗣
黃葉運運嗣百丈海緇林尊仰曰臨濟宗繼

沙陀。戊子咸通九年詔康承訓討龐勳等於徐州承訓奏乞沙陀三部落
使朱耶赤心帥其衆以自隨敗勳於徐州勳死帝嘉朱耶赤心之功
置大同軍於雲州以赤心為節度使賜姓李名國昌國昌子克用克
用子存勳後唐莊宗也初太宗貞觀間破西突厥歸置十三州都督
府未嘗有沙陀府也有處身處察諸部又其小者也朱耶者處身別
部之號也至憲宗時始有朱耶蓋忠及子執宜見於中國自號沙陀
以朱耶為姓蓋沙陀大磧也自處身以來世居此磧號沙陀突厥至
盡忠孫賜姓李氏李氏復大而夷狄遂以沙陀為貴種

卷之二

稽古三

五十一

曹洞宗

江西瑞州洞山禪師名良价北越州會稽俞氏幼歲出家從
師念般若心經至無眼耳鼻舌身意處忽以手捫面問其師

曰某甲有眼耳鼻舌等何故言無其師駭異曰吾非汝師指其性五
洩山禮默禪師披剃年二十一詣嵩山具戒遊方首謁南泉次參馮
山馮山指之曰此去澧陵崇縣石室相連有雲巖道人若能撥草瞻
風必為子之所重由是徑造雲巖便問無情說法甚麼人得聞巖曰
無情得聞師曰和尚聞否巖曰我若聞汝即不聞吾說法也師曰某
甲為甚麼不聞巖堅起拂子曰還聞麼師曰不聞巖曰我說法汝尚
不聞豈况無情說法乎師曰無情說法該何典教巖曰豈不見彌陀
經云水鳥樹林悉皆念佛念法師於此有省乃述偈曰也大奇也大
奇無情說法不思議若將耳聽終難會眼聽聞時方得知辭去宣宗
大中末年於新豐山接誨學侶盛化豫章高安之洞山權開五位善
接三根大闢一音廣弘萬品橫抽寶劍剪諸見之稠林妙叶弘通截
萬端之穿鑿又得曹山深明的旨妙唱嘉猷道合君臣偏正回互由
是洞上文風播於天下故諸方宗匠咸共推尊之曰曹洞宗至是咸
通十年三月入寂壽六十三臘四十二勅諭悟本禪師塔曰慧覺
江西撫州路曹山禪師名本寂生泉州蒲田黃氏少業儒年十九歲
住福州覆石出家二十五登戒謁洞山山問開黎各甚麼師曰本寂

山曰那箇禪師曰不名本寂山深器之自此入室盤桓數載乃辭去
山遂密授洞上宗旨直趨曹溪禮六祖塔回吉水眾嚮師各請開法
師志慕六祖遂名山曰曹尋值賊亂乃之宜黃有信士王若一捨何
王觀請師住持師更何王為荷玉由是法席大興學者雲萃洞山之
宗至師為盛昭宗天復元年六月十五日謂眾曰曹山明日辰時行
脚去及時焚香宴坐而化壽六十二臘三十七葬全身於山之西阿
剌謚元證禪師塔曰福圓寂嗣洞山良价禪師价嗣雲巖晟晟
嗣藥山儼儼嗣石頭遷遷嗣青原思思嗣六祖大鑿禪師禪燈
加南。庚寅咸通十一年十一月帝誕節召兩街大德僧人入內講道帝悅
賜曇顯等十人紫衣賜永興軍終南山道宣律師號澄照律師佛
號

相國裴公

至是咸通庚寅薨壽七十四歲執弟子禮事黃檗運禪師
悟明心要公諱休字公美河東孟州閭喜人兒時與兄弟

偕隱畫講經夜著書有饋鹿者休不食曰蔬食猶不足今一啗肉後
何以繼擢進士第累遷職任刺洪州日入龍興寺觀畫壁曰容儀可
觀高僧何在眾無對者公曰此間有禪僧不屬運禪師於嶺南黃檗
山捨眾來大安精舍混跡灑掃人莫之識或曰有一禪者公延之至
理前語問之運朗聲曰裴休公曰諾運曰在甚麼處公豁然契會遂
迎之入府朝夕問道公移鎮宛陵州請運與俱公於宣宗時執政

稽古三

五十二

雲居

禪師名道膺幽州玉田人姓王氏童非出家於涿州延壽寺二
十五歲成大信其師令習聲聞篇聚非其好棄之遊方至翠微

聞洞山法席遂造焉契悟宗旨結庵三峯經旬不赴堂价禪師覘之
每有天人送食洞山謂之曰我將請汝是箇人猶作這箇見解高聲
呼曰膺庵主師應諾山曰不思善不思惡是甚麼師有省回庵宴坐
天神尋之不見三月乃絕山勉師隨方接人遂乃焚其庵去海昏登
歐阜廬山西北峻絕世之絕境也就樹縛屋而居號雲居衲子亦追
求而集散處山間樹下久成苦架至是咸通十三年遂成法席學侶
至一千五百眾唱洞山之道居三十年道徧天下南昌王鐘傳師尊
之師於昭宗天復元年十二月二十八日為眾開寂後方便叙出世
始末次年正月三日端坐而逝

勅謚弘覺禪師塔曰圓寂鐫燈

帝於宮中日齋萬
僧御製替明唐書

○癸巳咸通十四年三月詔迎鳳翔法門寺佛骨以四月八日至宗帝

御安福門樓迎拜引入內道場三日供養送京城諸寺七月帝崩太
子即位明年四月詔送佛骨歸于鳳
翔都人皆齋辭饌皆鳴咽流涕唐書

僖宗 儀懿宗第五子初封普王懿宗不豫立為皇太子在位十五年壽二十七

乾符六 廣明一 中和四
光啓三 文德一

甲午乾符元年 六

黃巢。時東昌路濮州人王仙芝始聚眾數千人赴於長垣二年黃巢亦聚眾千餘人應王仙芝巢少時與仙芝皆以販私鹽為事業善騎射喜任俠粗涉書傳屢舉進士不第遂為盜與仙芝攻剽州縣橫行山東氏之困於重斂也爭歸之數月之間眾至數萬乾符五年招討使曾元裕大破王仙芝於黃梅追斬仙芝黃巢方攻亳州仙芝餘黨尚讓者帥其餘眾歸巢推巢為主號衝天大將軍稱王霸元年署官屬陷福建乾符六年冬巢來襄陽十一月山南東道節度使與江西招討使曹全諷正合兵屯荆門以拒之戰賊比至江陵俘斬其什七八巢與尚讓收餘眾渡江東亦巢勢復振轉掠饒信池宣歙杭五州眾至二十萬唐昭宗元年十一月巢陷東都兵攻潼關關上兵皆潰中官曰今致奉帝自金光門出惟福穆澤壽四王及妃嬪數人從行百官皆莫之知巢入長安帝幸興元乃入蜀

稽古三

五十三

庚寅巢殺唐宗室在長安者士不巢即皇帝位國號大齊稱金統元年中和二年巢所署同州防禦使朱温屢請巢益兵以捍河中不報温見巢兵勢日蹙知其將亡親將胡真謝朧勸温歸國九月温殺其監軍嚴實舉州降諸道行營都統王鐸承制以温為同華節度使未幾賜名全忠河中留後王重榮行營都監楊復光東面宣慰使王徽諸道行營都統王鐸議討賊復光曰馬門李僕射也用驍勇有強兵召之來賊不足平也時王鐸在河中乃以墨敕召李克用十一月克用將沙陀見前萬七千人海河中中和三年三月克用進軍渭橋與巢軍戰于渭南賊兵大敗奔走四月克用自光泰門入京師巢力戰不勝焚宮室遁去克用時年二十八歲破巢復長安功第一詔以克用為河東節度使中和四年春二月巢走圍陳州李克用會汴徐克之軍以救之五月巢引兵東北趣汴州克用追及巢於中牟奮擊大破之巢將尚讓帥其眾降克用克用追至宛句巢匿糧盡乃還汴州營于城外朱全忠固請入城館于上原驛全忠置酒克用乘酒語頗侵之全忠不平發兵圍驛而攻之克用縋城得出六月武寧將李師悅等追巢至瑕丘敗之巢眾殆盡走至狼虎谷巢甥林言斬巢兄弟妻子首以降巢始起於乾符二年至中和四年七月滅唐

亦為大覺大師 諱玄覺生温州戴氏中歲出家淨心寺雅染受具徧探三

藏博貫群籍遊方參六祖於曹溪家印可還辭歸温州祖

師預期歌之冥感即定中觀見字字皆成金色滿虛空界玄宗開元元年

十月十七日誦辭衆端坐歸寂葬本郡松臺山李邕作行業碑時有梵僧

傳其歌歸西空翻成梵夾五天欽仰稱為東土大乘經師嗣曹溪六祖憲

宗元和三年杜育敬師之道師發地瞻仰師軀完然如生遂為師營塔

廬焉至是僖宗乾符元年二月郡守朱褒狀表師之事跡帝賜諡無相大

師塔號淨光禪師道歌曰君不見絕學無為閑道人 不除妄想不求真無

明實性即佛性 幻化空身即法身法身覺了無一物 本源自性天真佛五

陰浮雲空去來 三毒水泡虛出沒 證實相無人法 刹那滅却阿鼻業若將

妄語誑衆生 自招拔舌塵沙劫 頓覺了如來禪 六度萬行體中圓夢裏明

明有六趣 覺後空空無大千 無罪福無損益 寂滅性中莫問覓 比來塵鏡

未曾磨 今日分明須剖析 誰無念 誰無生 若實無生無不生 喚取機關木

人問 求佛施功早晚成 汝四大莫把捉 寂滅性中隨飲啄 諸行無常一切

空 即是如來大圓覺 決定誰表真乘 有人不肯任情徵 直截根源佛所印

摘華尋枝我不能 摩尼珠人不識 如來藏裏親心得 六般神用空不空 一

顆圓光色非色 淨五眼得五力 唯證乃知誰可測 鏡裏看形見不難 水中

稽古三

又五十三

捉月半拈得常獨行常獨步 達者同遊涅槃路 調古神清風自高 貌悴骨

剛人不顧窮釋子 口稱貧實是身貧 道不貧 貧則身常披縷褐 道即心裁

無價珍無價珍 用無盡利物應時終不吝 三身四智體中圓 八解六通心

地印上士一決一切了 中下多聞多不信 但自懷中解垢衣 誰能向外誇

精進從他謗 任他非 把火燒天徒自疲 我聞恰似飲甘露 銷融頓入不思

議觀照言是功德 此則成吾善知識 不因訛謗起怨親 何表無生慈忍力

宗亦通說亦通 定慧圓明不滯空 非但我今獨達了 河沙諸佛體皆同 師

子吼無畏說 百獸聞之皆腦裂 香象奔波失却威 龍寂聽生欣悅 遊江

海涉山川 尋師訪道為參禪 自從認得曹溪路 了知生死不相干 行亦在

坐亦禪 語默動靜體安然 縱遇鋒刀常坦坦 假饒毒藥也閑閑 我師得見

然燈佛多劫 曾為忍辱僊 幾迴生幾迴 死生悠悠無定止 自從頓悟了

無生 於諸榮辱何憂喜 入深山住蘭若 岑崆幽邃長松下 優游靜坐野僧

家 閒寂安居實瀟灑 覺即了不施功 一切有為法不同 住相布施生天福

猶如仰箭射虛空 勢力盡箭還墜 招得來生不如意 爭似無為實相門 一

超直入如來地 但得本莫愁末 如淨瑠璃含寶月 既能解此如意珠 目利

利他終不竭 江月照松風吹 永夜清宵何所為 佛性戒珠心地印 霧露雲

霞體上衣 降龍鉢 解虎錫 兩股金 鏗鳴歷歷 不是標形虛事持 如來寶杖

親蹤跡 不求真 不斷妄 了知二法空 無相無相 無空無空 即是如來真

實相心鏡明鑒無礙廓然瑩徹周沙界萬象森羅影現中一顆圓明非內外
豁達空撥因果濟濟蕩蕩招殃禍棄有著空病亦然還如避溺而投火捨妄
心取真理取捨之心成巧偽學人不了用修行真成認賊將為子損法財滅
功德莫不由斯心意識是以禪門了却心頭入無生知見力大丈夫秉慧劍
般若鋒方金剛酸非但能摧外道心早曾落却天魔膽震法雷擊法鼓布慈
雲芳灑甘露龍象蹴蹋潤無邊三乘五性皆惺悟雪山肥膩更無雜純出醜
翻我常納一性圓通一切性一法徧含一切法一月普現一切水一切水月
一月攝諸佛法身入我性我性還共如來合一地具足一切地非色非心非
行業彈指圓成八萬門刹那滅却阿鼻業一切數句非數句與吾靈覺何交
涉不可毀不可讚體若虛空勿涯岸不離當處常湛然覓則知君不可見取
不得捨不得不可得中只麼得然而說時默大施門開無壅塞有人問我
解河宗報道摩訶般若力或疑或非人不識逆行順行天莫測吾早曾經多
劫修不是等閑相誑惑建法幢立宗旨明佛勅曹溪是第一迦葉首傳燈
二十八代西天記法東流入此土菩提達磨為初祖六代傳衣天下聞後人
得道河第數真不立妄本空有無俱遣不空空二十空門元不著一性如來
體共同心是根法是塵兩種猶如鏡上痕痕垢盡除光始現心法雙忘性即
真嗟末法惡時出衆生福薄難調劑去聖遠方邪見深魔強法弱多怨害聞
說如來頭教門恨不滅除今无碎作在心殃在身不須怨訴更尤人欲得不

稽古三

又五十三

招無間業莫誇如來正法輪旃檀林無雜樹鬱密深沈獅子住境靜林間獨
自遊走獸飛禽皆遠去獅子兒衆隨後三歲即能大哮吼若是野干逐法王
百年妖怪盡開口圓頭教勿人情有疑不決直須爭不是山僧逞人我修行
恐落斷常流不非是不異毫之毫毫失千里是即龍女頭成佛非即善星
生陷墜言早平來積學問亦曾討疏尋經論分別名相不知休入海筭沙徒
自困却被如來苦訶責豈也今實有何益從來踏踏覺虛行多年枉作風塵
客種性邪錯知解不達如來圖顯制二乘精進汝道心外道聰明無智慧亦
愚癡亦小礙空拳指上生實解執指為月枉施功根境法中虛捏怪不見一
法即如來方得名為觀自在了積業障本末空未了還須償宿債飢逢王膳
不能食病遇醫王半得生在欲行禪知見力火中生蓮終不壞勇施犯重悟
無生早時成佛于今何處了乳無畏說深嗟憐懂頑皮知只知犯重障菩提
不見如來開秘訣有二此二犯姦殺波離帶光增罪結維摩大士頭除疑還
同赫日銷霜雪不思議解力此即成吾善知識四事供養敢辭勞萬兩黃
金亦難得粉骨碎身未足贖一句了然超百億法中王最高勝河沙如來同
共證我今解此如意珠信受之者皆相應了了見無一物亦無人亦無佛大
千少海中漚一切聖賢如電拂假使鐵輪頂上旋定慧圓明終不失日可
冷月可熱衆魔不能壞真說象駕崢嶸謾進途誰見蟾蜍能拒職大象
不遊於兔徑大悟不拘於小節莫將管見謗蒼蒼未了吾今為君決燈

睦州

睦州今浙江衢道陳尊宿名道明江南陳氏之後也幼出家本州開元寺持戒精嚴學通三藏遊方契旨於黃驍延克首座眾請住觀

音院常有百餘眾經數十載諸方歸慕咸以尊宿稱後歸開元房居織蒲鞋以養母故有陳蒲鞋號天使至問師三門俱開從那門入師

喚尚書使應諾師曰從信門入師看經次陳操尚書問和尚看甚麼經師曰金剛經尚書曰六朝翻譯此當第幾師舉起經曰一切有為

法如夢幻泡影至是乾符四年召門人曰此處緣息吾當逝矣乃踞跌而寂郡人以香薪焚之舍利如雨收靈骨塑像于寺壽九十八臘

七十六嗣黃驍運禪師乾符己亥乾符庚子廣明辛丑中和運嗣百丈海禪師乾符己亥乾符庚子廣明辛丑中和

洛澧州洛浦山禪師名元安鳳翔麟遊人非歲出家具戒持律通經論是年參臨濟玄禪師充侍者後得交山卓庵昭宗光化元年八月誠

門人曰出家之法長物不留况其他哉切須忘念時光迅速大道深玄苟或因循曷由体悟至十二月一日坐逝而寂嗣夾山會禪師

夾山澧州夾山禪師名善會唐州唐氏子幼歲出家依年受戒聽習經論玄律二學出仕潤州潤州鶴林因道吾指之見船

子誠禪師於華亭冥悟心要恭崇遺命消世忘機懿宗咸通年間棲遲澧州學侶雲集相從卜居于夾山遂成院宇至是中和元年十一

月七日入寂葬木山謚傳壬寅中和二年鐘癸卯中和三年李明大師嗣船子諡禪師

西。拓跋思恭以兵赴國難黃巢之亂也朝廷命思恭樞夏歲節度使賜姓李親誅癸卯

巢。中和四年黃巢既滅秋七月李克用至晉陽遣使奉表極言朱甲辰全忠能終為國慮凡八上表請誅討之帝謂方事之殷

姑存大體詔諭元用且解之于時浙東飢疫明州普賢懺院幼璋禪師收瘞台溫明三郡餓殍遺骸數千時人呼師曰增悲菩薩高僧

乙巳光啓元年二月帝還至京師改元中官田令孜愈縱威權河中節度使王重榮累表數令孜罪惡重榮啓李克用引兵赴之十

二月克用進逼京城田令孜夜奉帝自開遠門出幸鳳翔光啓二年春正月田令孜請帝幸興元帝不從是夜令孜引兵入宮劫帝幸寶

雞宰相朝臣皆不知及發寶雞留楊晟時正散關興元乘輿纒入散關邠寧節度使朱致已圍寶雞嗣襄王愷肅宗玄孫也百疾從

上不及留遵塗驛為政所得與之俱還鳳翔三月車駕至興元朱致逼百官奉襄王愷權監軍國事長安百官太子太師裴瓌等勸進於襄王愷愷即皇帝位改元建貞道尊帝為太上元皇帝觀軍容使楊

復恭傳檄關中稱得朱致首者以靜難節度使賞之攻將王行瑜擒

精十一

五十四

政斬之襄王奔河中王重榮詐為迎奉執
燭殺之詔以行瑜為靜難軍節度使糖結

靈雲 禪師名志勤福州長谿人嗣長慶安安嗣百丈海
勤在瀉山時見桃花悟道後返福州居靈雲鑪燈

錢鏐 吳越是年討董
昌有功授杭州刺史

巖頭 鄂州巖頭禪師名全燾泉州柯氏子少禮青原誼公落髮真戒
於長安寶壽寺習經論諸部優游禪苑後參德山契旨住巖頭

值武宗汰教乃於湖邊隱作渡子後庵于洞庭卧龍山徒侶臻輳至
是光啓三年四月八日入寂門人為焚之獲舍利四十九粒起塔供

養勅謚清巖禪師嗣德
山鑿鑿嗣龍潭信鑪燈

石霜 潭州石霜山禪師名慶諸江西吉州新淦陳氏依洪井西山紹
鑿禪師落髮詣洛下習毘尼教抵瀉山充米頭一日瀉山拾一

粒米為師曰莫輕這一粒百千粒從這一粒生師曰百千粒從這一
粒生未審這一粒從甚處生瀉山呵呵大笑便歸方丈至晚上堂曰

米裏有蟲諸人好看後參道吾智禪師密契心要後因避世混俗于
長沙瀏陽陶家坊人莫識者因僧舉洞山解制上堂秋初夏末兄弟

古古

稽古三

五十五

東去西去且須向萬里無寸草處去師曰出門便是草洞山聞之乃
云此是一千五百人善知識語師因此聲名馳露帝聞師道譽賜紫

衣辭不受至是光啓三年入寂葬院之西北隅勅謚普會大
師嗣道吾宗智嗣藥山儼儼嗣石頭遷遷嗣青原思鑪燈

戊申 文德元年二月帝自鳳翔歸京三月不豫壬寅大漸皇弟吉王
保長而賢群臣屬望十軍觀軍容使楊復恭請立其弟壽王傑

為皇太弟癸卯帝崩遺制
太弟傑更名敏即皇帝位
○王建據
有西川

昭宗 懿宗第七子初封壽王各傑更名敏龍
紀元年改名暉在位十六年壽三十八

龍紀一 六順二 景福二
乾寧四 光化三 天復四

己酉龍紀元年 十一月帝改名暉帝將祀園丘中尉樞密皆傑
制法服孔緯及諫官皆以為不可帝出御札諭之曰卿等所論

至當事有從權勿以小瑕遂妨大禮於是宦官始服劍佩侍祠

庚戌 大順二年揚
辛亥 大順二年揚
行密據揚州

杭州千頃山禪師名楚南福州張氏子得旨於黃藥初抵姑蘇報恩寺精修禪定二十餘年足不踰閩專住錢塘支硎山慈雲維應緣無

倦常處禪定或踰月或淡旬僖宗光啓年間刺史錢鏐請師下山供養僖宗聞其道化就賜紫衣僖宗文德元年五月入寂壽七十六塔

于院之西隅師著破邪論行于世嗣黃藥運禪師至是大順二年宣州孫儒寇錢塘發塔觀師全身爪髮俱長拜謝修塔而去鏐燈

壬子景福元年八月以楊行密為淮南節度使宣明曆差太

門。癸丑二年以渝州刺史柳玘為瀘州刺史柳氏自公綽以來世以孝悌禮法為士大夫所宗玘為御史大夫上欲以為相宦官惡之故久

適於外玘嘗誡其子弟曰凡門地高可畏不可恃也立身行己一事有失則得罪重於他人死無以見先人於地下此其所以可畏也門

高則驕心易生族盛則為人所嫉懿行實才人未之信小有玘類象皆指之此其所以不可恃也故膏梁子弟學宜加勤行宜加勵僅得

比他人耳

王朝據福州稱留後王鎰帥鎮定稱趙王劉仁恭是時為幽州盧龍節度使稱燕王

稽古三 五十六

賈休 甲寅 乾寧元年沙門賈休人也入蜀以詩謁王曰一餅一鉢垂垂老

賜也至後唐莊宗同光三年入寂高僧齊已蜀人也幼捐俗依焉山祐禪師時慧寂禪師岫山住豫章觀音院已總轄庶務有粥疏曰粥

名良藥佛所贊揚義冠三檀功標十利更新美哲各遂願心既備清晨末資白業其後居西山金鼓示寂塔存焉龍盤乃其書堂也

乙卯乾寧二年次年馬穀據湖南杭州錢鏐兼鎮東西兩浙李茂貞犯京師帝幸華州茂貞入長安宮室市肆燔燒俱盡

九。丙辰三年正月九峯玄禪師戒其徒曰無虛度光陰無虛消信施既已出家唯道是履名大丈夫云已寂然入定至三月二十日而入滅

丁巳乾寧四年閩帥王朝薨弟審知嗣據其地

趙州 禪師名從諗曹州鄆鄉人也姓郝氏童稚於本州窟通院從師按荆未納戒抵池陽參南泉願禪師泉器之一日問泉曰如何

是道泉曰平常心是道師曰還可趣向也無泉曰擬向即乖師曰不擬爭知是道泉曰道不屬知不屬不知知是妄覺不知是無記若真

達不疑之道猶如太虛廓然蕩豁豈可強是非耶師於言下悟理乃往嵩嶽琉璃壇納戒仍返南泉久之衆請住趙州

東院道化其十二時歌得頌機經錄流行于北新...
曾到此間廢僧曰未曾到師曰喫茶去又問僧曰曾到此間廢僧
曾到師曰喫茶去院主問曰為甚麼曾到也喫茶去未曾到也喫茶
去師乃院主主應諾師曰喫茶去時真定師王鏊稱趙王盧龍節度
使劉仁恭稱燕王二王爭相重敬至是乾寧四年十一月二日
右脇而寂壽一百二十歲勅諡真際大師嗣有泉願願嗣馬祖
戊午光化元年赦李茂貞八月未宗貞元以來禪宗機緣為聖胄集
杭州無着禪師名文喜嘉興米氏年七歲依本邑常樂寺國清出家
剃染習律聽教備武宗法教及非韜晦宣宗初再度於鹽官齊峯寺
往五臺禮文殊過一老翁牽而行邀師入寺翁縱牛引師陞堂翁
踞床指綉墩命坐翁曰近自向來師曰自方翁曰南方佛法如何位
持師曰末法比立少奉戒律翁曰多少眾師曰或三百或五百師却
問此間佛法如何住持翁曰龍蛇混雜凡聖同瓦師曰多少眾翁曰
前三三後三三翁呼童子均提致茶又進酥酪翁拈起玻璃盞問曰
南方還有這箇否師曰無翁曰尋常特其麼喫茶師無對辭別翁令
童子相送師問童子前三三後三三幾多少童召大德師應諾童曰
是少師曰此為何處童曰此金剛窟般若寺也師悽然悟彼翁者

稽古三

五十七

文殊也即稽首童子願乞一言為別童說偈曰面上無嗔供養具口
裏無嗔吐妙香心裏無嗔具珍寶無垢無染是真常言訖均提與寺
俱隱懿宗咸通三年師至洪州觀音菴仰山寂菴師頓悟心法後
回浙西住龍安寺歲錢王奏賜紫衣署無着禪師至是光化三年十
月三日告眾曰三界心盡即是涅槃言訖跏趺而逝壽八十歲塔于
鷲峯靈隱之西塢衣帝天祐二年叛兵發師塔肉身不壞髮爪俱長
錢王鏐聞之遣裨將邵志童加封奉宗宗嘉定十三年遷葬
淨慈山智覺壽禪師塔寺師嗣仰山寂菴嗣馮山祐禪師會元
庚申光化三年初崔胤與上密謀盡誅宦官流樞密使宋道弼景務
脩等皆賜自盡宦官益懼甲剗劉季述王仲先樞密使王彥範
薛齊偓等陰謀廢立帝胤苑中夜歸季述扶帝與后同輦嬪御侍者
纒十餘人適少陽院鎖其門季述矯詔令太子裕監國尋使即皇帝
位以帝為太上皇季述遣其養子希度詣朱全忠許以唐社稷輸之
天平節度副使李振勸全忠誅季述全忠乃囚希度遣振如京師崔
胤密遣人說神策指揮使孫
德昭誅季述等時十二月也

辛酉天復元年正月朔王仲先入朝孫德昭擒斬之崔胤迎帝御長
樂門樓帥百官稱賀周承海擒劉季述下彥範繼至方詰責已

為亂挺所斃薛平倭赴井死出而斬之滅四人之族時朱全忠李茂貞各有挾天子令諸侯之意全忠欲帝幸洛陽茂貞欲帝幸鳳翔朱全忠至河中表請車駕幸東都十月

○千戌天復二年十一月朱全忠進攻鳳翔

○癸亥天復二年春正月李茂貞請帝誅韓全誨等與朱全忠和遣使囊全誨等首以示全忠甲子車駕出鳳翔幸全忠營已入長安

○甲子天祐元年春正月朱全忠請帝遷都洛陽壬子車駕發長安甲子遣李振至洛陽與將玄暉等八月弒帝立輝

王為皇太子極前即位時年十三歲帝也

哀帝 祝昭宗第九子在位四年禪于梁梁封帝為濟陰王遷于曹州戎辰年鳩殺濟陰王於曹州追諡曰唐哀皇帝號景宗

○一云朱全忠弒昭宗立哀帝逾四年使劉勣為哀帝葬溫陵立少帝濮王糾一名繼昭宗子也年號天壽朱全忠又鳩之議以天祐四年禪位于梁云本紀不載濮王

○天祐四年三月而遷于梁王梁受禪改元開元

右唐二十一主合二百八十八年禪于梁

五代 受唐澤都汴州開平二年遷都洛陽均王仍都大梁

太祖 末帝 二主 台十六年而歸後唐

太祖 姓朱氏宋州人本名溫唐僖宗時從黃巢作亂巢署溫同州防禦使溫叛巢歸唐天子賜名全忠拜宣武軍節度使昭宗光化三年

道封梁王哀帝天祐四年三月受唐禪更名見被袞冕即皇帝位改國號曰梁在位六年壽六十一歲以汴州為開封府命曰東都以故

南閩王會雪峯玄沙二禪師問曰將何為道作何修行見往成佛雪峯曰宜先懺悔亦除障垢所以獲心見性一切業障海皆從妄

想生若欲懺悔者端坐念實相願大王識取實相自然成佛懺

○丁卯天祐四年三月而遷于梁王梁受禪改元開元

右唐二十一主合二百八十八年禪于梁

五代 受唐澤都汴州開平二年遷都洛陽均王仍都大梁

太祖 末帝 二主 台十六年而歸後唐

東都也陽為西都是時惟河東鳳翔淮南

號西 奉貢

開平四 乾化二

丁卯開平元年

四月改元以河南尹兼河節度使張全美為魏王鎮海鎮東節度使吳王錢鏐為吳越王加清海節度

使劉隱威武節度使王審知兼侍中仍以劉隱為大彭二以權知荆南留後高季昌為節度使

趙王 燕王 晉王 政王 吳越王 楚 荆南 淮南 閩 蜀 南平 王鏐 劉纂 李克用 李茂貞 錢鏐 馬殷 高季昌 楊溘 王審知 王建 劉隱

王鏐帥鎮州真定也稱趙王 劉仁恭幽州盧龍節度燕王

晉王李克用稱天祐年號克用 本沙陀人見唐懿宗咸通九年

政王鳳翔李茂貞深州博野人本性宋名文通為博野軍戎卒黃巢犯京師茂貞以功補扈蹕都頭僖宗賜姓李名茂貞拜鳳翔隴右節

度使昭宗時封為 政王稱天祐四年

釋鑑三

五十九

吳越

吳越王錢鏐字具美杭州臨安人唐僖宗時為董昌偏將殺退黃巢兵昌以鏐為都指揮董昌尋亦叛昭宗以鏐為浙東招討使平昌進

封天下兵馬都元帥尋封王至是梁開平元年封吳越王 後唐莊宗賜玉冊金印鏐居杭州二十一年壽八十一薨

楚王馬殷字霸圖許州鄆陵人唐昭宗乾寧中拜武安軍節度使鎮潭州盡有湖南之地梁太祖開平二年處湖南聽民自採茶賣於北

客取其征以贍軍七月殷奏汴荆襄唐郢復州置回圖務運茶河南北賣之以易緡續戰馬詔許之湖南由是富贍梁封之為楚王

荆南節度使高季昌字賂孫陝州人繼梁初鎮荆南節度十州後為諸道所侵季昌有江陵一城而已至後唐莊宗時封為南平王

淮南號吳楊溘稱天祐四年溘父行密字化源廬州合肥人家世微賤有膂力能舉十斤日行三百里為本州步健破黃巢功大唐昭宗

景福元年八月為淮南節度使淮南王進封楚王唐哀帝天祐二年行密薨壽五十四據廬州十二年子溘嗣位梁太祖封之為吳王

閩王王審知字信通光州固始人唐僖宗時黃巢寇亂因有閩嶺五州之地梁開平元年以威武節度使王審知兼侍中審知自唐昭宗

時已受封為閩王矣至其子延鈞後唐明宗長興四年改名璘即皇帝位建元龍啓國號大閩

蜀王王建字光圖許州舞陽人唐僖宗初陳欽瑄節制西川中尉曰
令孜為監軍召建欲致麾下欽瑄疑止之建怒以兵攻成都殺欽瑄
等昭宗授以西川節度使梁受唐禪開平元年
九月王建即皇帝位國號大蜀明年改元武成

南平劉隱上蔡人今汝寧古蔡州也其祖安仁徙居閩中商賈南海
因家焉父謙為廣州牙將破黃巢有功陞封州刺史卒州人表隱代
之累有勳烈唐昭宗封隱南海王哀帝天祐二年進封安南都護清
海節度使次年封南平王今梁加隱侍中又封南海王乃以隱為大

彭王乾化元年卒壽三十八其弟巖襲位盡有嶺表之北巖更名龔
梁末帝貞明三年即帝位國號漢年曰乾亨立二十五年壽五十四

戊辰 開平二年正月晉王李克用卒子存勗十一月立
梁遷都洛陽為濟陰王於曹州謚曰唐哀皇帝

趙 燕 晉 岐王 吳越 楚 荆南 淮南 吳 閩 蜀 王建 南平
王 鏐 劉仁恭 存勗 李勣 錢鏐 馬殷 高季昌 楊渥 王審知 感彥 劉隱

雪。福州雪峯禪師名義存泉州南安曾氏子年十二從莆田玉潤寺慶
玄律師出家年十七落髮往幽州寶刹寺受戒父歷禪會三登投子
九到洞山後乃緣契德山唐懿宗咸通中回閩雪峯創院徒侶翕然
僖宗賜號真覺禪師仍賜紫衣師之法席常有千五百眾至是開平

釋鑑三

二年三月示疾闍師命醫來師曰吾非疾也遺偈付法乞五月二日
出遊藍口暮歸澡浴中夜入寂壽八十七師嗣德山鑒鑒嗣龍潭信

玄。福州玄沙宗一禪師名師備閩之謝氏子幼泛小艇於南臺江狎諸
魚者年三十忽慕家投芙蓉訓禪師剃落往豫章開元寺受具布

衲芒屨食纒接氣終日宴坐雪峯以其苦行呼為頭陀一日雪峯召
之曰何不遍參去師曰達磨不來東土二祖不往西天峯然之住後

提振宗綱遐邇推敬闍主待以師禮學侶餘八百眾當梁太祖開
平二年十一月入寂壽七十五闍主為師樹塔師嗣雪峯存禪師

己巳 開平二年十月蜀州刺史王宗弁稱疾杜門蜀主疑其矜功怨
望加檢校太保不受謂人曰廉者足而不憂貪者憂而不足吾

求進不已乎蜀主嘉其志
趙 燕 晉 岐王 吳越 楚 荆南 淮南 吳 閩 蜀 王建 南平
天祐年 天祐年 天祐年 天祐年 天祐年 天祐年 天祐年 天祐年 天祐年 天祐年

庚午 開平四年 ○續寶林傳 南嶽惟勤頓叱集唐昭宗光化年
以來宗師機緣為續寶林傳四卷

趙 燕 晉 岐王 吳越 楚 荆南 淮南 吳 閩 蜀 王建 南平
天祐年 天祐年 天祐年 天祐年 天祐年 天祐年 天祐年 天祐年 天祐年 天祐年

乙亥貞明元年

趙

晉王 岐王 吳璽王 楚

荆南

淮南

蜀

南平

天德年 永平年

契丹

丙子 貞明二年

契丹太祖阿保機

神册元年

趙

晉王 岐王 吳璽王 楚

荆南

淮南

蜀

南平

天德年 永平年

通正年

南平

○契丹

契丹太祖阿保機稱帝建國本年傳嗣九九主在位首末二百一十五年實歷二百單九年越太祖皇帝諱億番名阿保機乃幹里小字也父幹里為夷酋中猶中國刺史也先是契丹部落分而為八各有大人相與指約一人為王建旗鼓以號令諸部每三年則以次相代及阿保機為王尤雄勇恃其疆不肯受代五姓奚及七姓室韋咸服屬之擊黃頭室韋七部劫之於境上求如約阿保機曰我為王九年得漢人多請帥種落居古漢城與漢人守之自為一部七部許之古漢城者拓拔魏之滑鹽孫七地宜五穀有監池之利其後阿保機擊滅七部併為一國又北伐於韋亦真丙取突厥後地擊奚咸之

六十一

釋鑑三

六十一

復立奚王使契丹監其兵東北諸夷皆畏服之初唐懿宗咸通末年有習爾者為王土守始大其後欽德為王乘中原多故時入侵遼燕帝劉守先末年哀困遣參軍韓延徽求援於契丹契丹主怒其不拜留之夕乃禮而用之延徽始教契丹建牙開府築城立市里以處漢人使各有配耦墾荒田契丹由此威盛稱大至是貞明二年阿保機始自稱皇帝國號曰神册國國人謂之天皇王姓耶律氏以妻述律氏為皇后置百官治國十一年本於夫餘城謚曰太祖

布

布袋和尚名契此六跡明州奉化縣常以杖荷一布袋携破席凡供身之具盡貯袋中入布見物則乞或醢醢魚蒲鮓接入口分少許投囊中時號長汀子至是貞明二年三月三日坐於嶺林寺廊下說偈曰彌勒真弥勒分身千百億時時示時人時人自不識偈已安然而化其後他州復見其負囊而行競畜其像而奉祀之

丁丑 貞明三年

契丹

神册二年

南平劉崇即皇帝位於番禺國號大越改元乾亨次年冬十一月郊天改國號曰漢嗣鑄

趙

晉王 岐王 吳璽王 楚

荆南

淮南

蜀

南平

天德年 永平年

通正年

南平

天德年 永平年

通正年

南平

戊寅 貞明四年

契丹 阿保機 神冊三年

趙

晉王

岐王

吳越王

楚

荆南

淮南吳

閩

蜀帝

漢

光武元年 乾亨二年

蜀帝太子衍立三月吳越王鏐初立元帥府置官屬淮南吳以徐知誥為淮南節度行軍副使知誥事吳主盡恭知誥以宋齊立為謀主

龍湖

○龍湖 邵武龍湖禪師名普聞唐僖宗第二子也幼不茹葷長無經世亡師斷髮逸游謁石霜諸禪師問如何是教外別傳諸曰待按山點頭即向汝道師因省悟依止數年乃請遊山諸曰逢乾即止遇陳便住遂伴行過邵武抵大乾遙望山顛鬱然深秀問父老彼有居者否老曰有一陳嗣者久隱其中師至嗣逐分坐同住師廬茅谷口陳乃去之庵址存焉其寶乘禪院者師茅廬基也僖宗文德元年三月師乃擲錫於山杖止處建立道場緇素嚮心遂成巨刹一日有老人來前曰我龍也家于此山行雨不職將有天罰願師救護師曰汝可易形來俄一小蛇在座師引之入淨鉢良久風雷挾座山巒搖震連日開霽蛇自鉢出老人來謝曰非師法力則腥穢此地矣觀師道場關水當以養德遂斷地成穴涌泉衍溢乃為一湖在今半山是曰龍湖

七十一

舊唐書

六十三

湖至是貞明四年一日師集眾僧曰吾將他適以院事付聰教二禪人乃說偈曰我逃世難來出家宗師指示箇歇處住山領眾三十年對人不欲輕分付今日分明說似君我歛目時齊聽取既而跨虎凌晨抵信州開元寺龍湖僧追之師曰山中已有聰禪師吾不復歸矣故龍湖無開山祖師塔惟有跨虎庵基為古今之證勅謚圓覺禪師五燈會元謂師示寂於龍湖殆非也師嗣潭州石霜禪師屢諸諸嗣道吾宗智智嗣藥山儼禪師諸吉州人姓陳氏

己卯 貞明五年

契丹

神冊四年

趙

晉王

岐王

吳越王

楚

荆南

淮南吳

閩

蜀衍

漢

乾德元年 乾亨二年

夏四月淮南楊氏即吳國王位改元武義建宗廟社稷置百官宮殿文物皆用天子禮樂

庚辰 貞明六年

契丹

神冊五年

趙

晉王

岐王

吳越王

楚

荆南

吳弟溥

閩

蜀

漢

乾德元年 乾亨二年

辛巳 龍德元年

契丹

天贊元年

趙

晉王

岐王

吳越王 楚

荆南

吳

閩

蜀

天祐七年

順義元年

乾德元年

壬午 龍德二年

契丹

天贊二年

趙

晉王

岐王

吳越王 楚

荆南

吳

閩

蜀

漢

順義元年

乾德四年 乾寧元年

越州鏡清順德慈祥師得法於雪峯吳越錢王尊其道德請石天龍寺又創龍舟寺以居師學侶奔湊由是吳越盛於玄學晉高祖天福二年八月入

寂壽七十四

癸未 龍德三年 同光元年

契丹

天贊三年

趙

唐帝位 岐王

吳越王 楚

荆南

吳

閩

蜀

漢

同德元年

順義元年

乾德元年 乾寧元年

春二月梁帝遣使册命吳越王錢鏐為吳越國王夏四月己巳晉王李存勗即皇帝位於魏州牙城之南國號大唐改元同光唐所有凡

稽古三

六十四

十三節度五十州帥兵取梁梁帝謂皇貴麟曰李氏吾世讎理難降首不可竅彼刀鋸吾不能自裁卿可斷吾首麟泣遂弑梁帝麟因自殺十月唐帝入大梁

右梁二主合一十六年而歸于唐

唐

李姓以上德王都鄴今彰德路古相州也後遷都于洛陽

肅宗 明宗 閔帝 潞王

莊宗

諱存勗本沙陀人唐懿宗咸通九年賜其祖姓李名國昌帝父名克用破黃巢復京師功第一拜河中節度使累封晉王薨存勗嗣

王位滅梁建國曰唐史尊父王克用曰武皇帝帝在位三年壽三十五歲

同光元年 即癸未歲也十月滅梁改元十一月遷都洛陽

甲申 同光二年

契丹

贊四年

趙

秦王 吳越王 楚

荆南 淮南 吳 閩

蜀 漢 順義 乾德 乾亨

正月政王李茂貞遣子繼曠上表入貢稱臣帝尊禮之改

封秦王四月秦山 茂貞薨子繼曠權知鳳翔軍府事

魏府今大 路中 權師名存獎本府人帝詔入內執弟子禮以

事師一日高 朕 後中原得一明珠未有人酬價師曰請陛下珠

者 以手舒 曰忍王之辱誰敢酬價帝悅賜紫衣師號師

皆 受賜馬使 之 帝復賜醫師喚院主與我做箇

初子師接得 院行問僧曰汝等還識老僧麼眾曰爭得不識和

法 曰 卿 行不得至法堂令維那聲鐘眾集師曰還識

和 益 齊 禪師 燉

州 齊 禪師 燉

淮南吳溥於石頭城

清涼寺禮請悟空

淮南吳閩

順義年 韓嗣

唐以授 龍

六十五

九月帝以子魏王 及樞密使郭崇韜於知祥有引薦舊

降孟知祥者字保盛邢州龍岡人樞密使郭崇韜於知祥有引薦舊

恩將行言於帝曰孟知祥信厚有謀此行得四川而求帥無踰此人

者帝可之大軍乃西行入散關倍道而進攻蜀降崇韜乃以知祥為

西川節度使鎮成都明宗長興四年封蜀王 清泰元年即皇帝

位而殂子相 立德 明德 國號蜀至宋太祖乾德三年降丁亥合

年 漢 有白龍現於漢宮漢主

改元白龍更名龔嗣

明 諱 名 嗣源 北 狄 人 莊 宗 養 以 為 子 從 莊 宗 征 伐 屢 立 大 功 丙

戌 年 正 月 趙 在 禮 反 于 鄴 莊 宗 命 李 嗣 源 討 之 三 月 嗣 源 至 鄴 都

從 馬 直 軍 士 張 破 以 作 亂 兵 逼 中 軍 嗣 源 北 問 之 對 曰 主 上 棄 恩 任

威 云 城 之 後 盡 坑 魏 博 一 軍 我 輩 畏 死 耳 今 眾 議 請 主 上 帝 河 南

公 帝 河 北 嗣 源 泣 論 之 眾 軍 下 從 嗣 源 壻 石 敬 瑭 曰 夫 事 成 於 果

決 而 敗 於 首 謀 嗣 源 乃 令 安 重 誨 移 檄 會 兵 軍 勢 大 盛 李 紹 榮 請 莊

宗 幸 關 東 拓 撫 之 駕 至 萬 勝 鎮 聞 嗣 源 已 據 大 梁 諸 軍 離 叛 即 命 旋

師 歸 入 洛 陽 四 月 從 馬 直 指 揮 使 鄭 從 謙 不 知 睦 王 存 義 已 死 欲 奉

之 作 亂 所 部 兵 才 與 教 門 緣 城 而 入 近 臣 宿 將 釋 甲 潛 遁 獨 李 彥

卿 何 等 十 餘 人 方 戰 莊 宗 中 流 矢 鷹 坊 人 善 友 扶 莊 宗

自...下至絳霄殿...
右皆散善友焚帝尸已...
中而殞之百官...
循以唐...
先帝遂為...
前即位之禮...
成每夕於宮中焚香告天...
天成...
天成...

天成元年

契丹...
鳳翔...
蜀禪月大帥...
貫休是年卒...
非南...
蜀...
關國延...
天寶...
孟知祥...
白龍...

昭武節度王延翰自稱大閩國王立宮殿置百官...
推其弟...
鈞為留...

契丹太祖阿保機殂

契丹太祖阿保機殂

德光...
天顯元年

趙

鳳翔

吳越

恭國荆南

吳即...
乾貞...
天寶...

蜀

漢

寶正年

乾貞...
天寶...

白龍...

遼...
初崩於天贊六年秋七月在位十一年太宗立諱德光太祖...
居大...
佛有契丹太祖...
秋八月...
新學士口文...
稱之一...
下今日教...

十一月准...
都督中外諸軍事知誥本姓李唐昭宗乾寧二年楊行密攻濠州軍...
上掠徐州得之生八歲行密養以為子行密長子溥憎之行密謂其...
將徐溫曰此兒質狀性識頗異於人吾度溥必不能容今賜汝為子...
名之曰知誥知誥事溫勤孝過於諸子溫是以愛之使掌家事及...
喜善射識度英偉行密謂溫曰知誥俊傑諸將子皆不及也至...

知誥

十一月准...
都督中外諸軍事知誥本姓李唐昭宗乾寧二年楊行密攻濠州軍...
上掠徐州得之生八歲行密養以為子行密長子溥憎之行密謂其...
將徐溫曰此兒質狀性識頗異於人吾度溥必不能容今賜汝為子...
名之曰知誥知誥事溫勤孝過於諸子溫是以愛之使掌家事及...
喜善射識度英偉行密謂溫曰知誥俊傑諸將子皆不及也至...

晉高祖天福二年受吳禪

戊子 天成年三年

趙

契丹

天顯三年

鳳翔

天顯三年

閩主延鈞度民二萬為管中見國中清規賦賦○是年十二月荆南節度使高季興立命其子為節度使

詔以從詢為荆南節度使

漳州羅漢院禪師名桂琛生常山今隸本府萬歲寺無相大師披剃登戒得法於玄沙備禪師師秘旨法稱自號旃檀州牧公請住城西石山地藏十餘年遷止羅漢院被垣取筆師歎之恬如也接法眼益至是天成三年入寂壽六十一葬毘陀利建塔于院之西隅

勅謚真應禪師

已丑 天成年四年

契丹 天顯三年

釋教三

六十七

趙

鳳翔 吳越 楚

荆南 吳 閩

蜀 漢

寶壽年

太契年

大有年

九月帝與平章事馮道從容語及年報屢發四方無事道曰臣常記昔在先皇幕府奉使中山歷非歷之險臣一受馬蹶歸胡反執轡其謹幸而無失逮至澤潞放轡自逸俄至顛隕為天下者亦猶是也

農最勤苦帝深以為然帝又問今歲雖豐百姓贍足否道曰農家歲凶則死於流殍歲豐則傷於穀賤豐凶皆病者惟農家為然臣記進士壽夷中詩一月賣新絲五月糶新穀醫得眼前瘡刈却心頭肉語雖鄙俚曲盡回家之情狀農於四人之中取為勤苦人主不可不知也帝悅命左右錄其詩常誦之絃州死平賈禹鈞化至左評議大夫致仕生王子皆宦顯侍中馮道贈以詩燕山賈侍郎教子有義方靈椿一株老僊桂五枝芳周世宗顯德二年太師中書令瀛文懿王馮道薨

庚寅 長興元年

契丹 天顯四年

趙

鳳翔

吳越

楚 擊 荆南

吳

閩

蜀

漢

寶壽年

太契年

大有年

十一月楚王馬殷卒子希聲襲位稱道命去建國之制復藩鎮之舊詔以希聲為武安靜江節度使

雲門宗

廣東道韶州雲門山光祿院禪師名文偃生浙西秀州今嘉興路也姓張氏幼依空王寺志滿律師出家及冠落髮稟具於毘陵壇侍澄數年探窮律部以已退未明併參睦州陣尊宿撥門而入州擒住云道道師擬議州推之出曰秦時渡縣嶺遂掩門損師一足師從悟入州乃指之見雪峯存禪師初不請首座有勸之請第一座者徧謁諸方後抵廣中靈樹敏禪師初不請首座有勸之請第一座者靈樹曰我首座生也出家以久之曰我首座行脚也悟道也久之又曰我首座至矣一日令擊鐘接首座師適至敏笑曰奉遲甚久何來暮邪即命之師不辭而就職當此庚寅長與元年也俄而廣主劉王將興兵就靈樹決可否敏知之手封益子話待者曰王來出以似之適有僧問如何是祖師西來意敏乃就座而逝王至聞敏已化王大驚嘆侍僧以奩呈發之書曰人天眼目堂中上座王乃請師繼主靈樹迎之至府開法久之遷住韶陽雲門山六甲申年廣主屢請入內閣法待以師禮賜號匡真禪師七月迎之王府供養九月師辭王還山明年四月十日師表辭廣主垂誠學苑端坐而逝塔全身於方丈後丙寅歲趙太相乾德四年廣主天寶九年也師示夢阮紹莊曰與吾寄語秀華宮使特進李託遂奏請開塔奉勅迎請靈軀內庭供養逾月方還因改額為大覺加號八慈雲匡真弘明禪師嗣雪峯存

釋鑑

六十八

禪師存嗣德山鑒嗣龍潭信禪師師之法道世宗仰之目之曰雲門亦

辛卯

長興

天顯五年

趙

鳳翔

荆南

吳

蜀孟氏

太和

大有

壬辰

長興

天顯六年

趙

鳳翔

荆南

吳

蜀

漢

元聖

天聖

太平

印

春一月初令國之監茂定元

三月吳越武肅

錢鏐死年八十二

秋七月武安靜

江知度使而布整亦六十

癸巳

長興四

契

天

鳳翔 具 蜀孟氏漢

春正月閩主王延鈞自稱帝
更名璘○二月唐命知祥
東西川節度使蜀王

十一月帝不豫詔立第三子
王從厚立尋殂十二月宋王從厚即

皇帝位閩帝也甲午年正月
千應順時鳳翔節度使兼侍中路王

從珂與朝廷猜阻 月
大將旗鼓整衆而東閩帝聞路王至
陝憂駭不知所爲 五十騎山
武門至衛州依刺史 弘贊路王
至蔣橋馮道等皆上殿勸進
王入謁太后太后詣西宮伏梓宮榻

哭太后下令廢少帝爲鄂王
路王即皇帝位下 柩前王弘贊遷閩

帝於州廨路王遣弘贊之子
以直營往 煖之閩帝知其有毒不肯飲密
殺之 諱從珂明宗養子也姓王
氏鎮州人今真定路也明宗畧地日并

路王 其母獲之養爲己子
十年十歲封潞王爲鳳翔節度使
閩帝即位 以洋王從璋位
代之由吳舉兵閩帝出奔
路王以太后命即位
在位三年壽三十歲

○ 清泰元年 四月 契丹 天顯八年

趙 鳳翔 具 荆南 吳 關 蜀 荆 漢

閩正月蜀王孟知祥即皇帝位
于成都改元秋 七月
蜀太子仁贊即皇帝位
更 祖明德元年

天台國清寺靜上座初得悟於
玄沙備渾師言下居天台
山三十餘年有問者曰
心念紛飛未明攝伏靜曰
却將紛飛之心以究紛飛之

處究之無處則紛飛之念何有
返究究心則能究之心安在
靜因親 教中幻義述渴
口若道法皆如幻有造諸
過惡應無咎云何所作業

不忘而藉功 按蔣有小靜
上座者答之曰幻人與幻
幻輪圍幻 業能忘幻
不了 子諸幻苦覺如
如幻幻無爲二靜上座遺踪

國清寺 乙未 天顯九年

荆南 荆南 荆南

荆南節度使 襄披 襄披

吳加有... 禮以昇... 清泰三年... 全之計初... 等皆力諫... 節度使制... 死於道路... 傳檄... 遂決表... 敬瑄官爵... 稱臣以父... 騎號三十... 大晉皇帝... 潞王知石... 等携傳國... 天子至必... 美瑛既俱... 慰而釋之... 右唐四主... 石姓以金... 王遷都汴... 高祖 齊王

○清泰三年... 全之計初... 等皆力諫... 節度使制... 死於道路... 傳檄... 遂決表... 敬瑄官爵... 稱臣以父... 騎號三十... 大晉皇帝... 潞王知石... 等携傳國... 天子至必... 美瑛既俱... 慰而釋之... 右唐四主... 石姓以金... 王遷都汴... 高祖 齊王

右唐四主合一十四年而歸于晉

晉 石姓以金德 王遷都汴州

高祖 諱敬瑄石姓本西夷人勇力善戰唐明宗愛之妻以女永寧公主 累遷至河東節度使清泰元年鎮太原徙天平節度使不受命遂 乃稱兵求援於契丹即帝位入洛陽制幽薊瀛莫涿檀順新。天福 瀋儒武靈應寰朔蔚十六州。與契丹在十七年壽五十一。七

丙申 十一月改 契丹 天福元年 天 十年

趙 荆南 吳 閩 蜀 漢

王 高麗當唐之末其一... 不記其王之姓名... 光二年高麗遣使來中國史失 權知國事王建遣使者來明宗

七三四 稽古三 七十

封王建高麗國王至是丙申年高麗舉兵擊破新羅百濟於是東夷諸國皆附之有二京六府九節度百二十部焉

丁酉 天福二年

大遼

會同元年

趙

鳳翔 吳越復楚

荆南

唐受禪閩

蜀 漢

建國

昇元年通文年明德軍大有年

大遼太宗德光既立晉室受其所獻之十六州春正月乃以幽州為南京改契丹國號大遼年曰會同公卿庶官皆倣中國參用中國人

二月北歸以趙延壽為樞密使兼中書令

遷都

三月晉議遷都大梁四月至汴州吳越王元瓘復建國如同光故事

○八月吳主下詔禪位于齊王徐知詔即皇帝位于建康大赦國號曰唐南唐年曰昇元尊吳主曰讓皇宮室乘輿服御皆如故宗廟正朔

徽章服色悉從吳制明年讓皇殂唐主廢朝二十七日追謚曰睿皇帝唐昇元三年知詔復姓李更名昇始現唐明宗歲

○汝州風大禪師諱延沼錢塘餘杭人姓劉氏幼不茹葷習儒應進士一舉不第乃出家依本州開元寺智恭披剃受具習天台止觀年二

稽古三

七十一

十五詣鏡清叅南院顯禪師悟旨依止六年辭去後唐明宗長興二年至汝水草屋數椽依山如逃亡家問之父老田父曰古風穴寺世以律居僧物故衆棄去師曰我居之可乎父曰可師乃留止日乞村落夜然松脂單下者七年至是天福二年州牧李使君開師之道盡禮致之上元日開堂說法稟嗣南院顯漢隱帝乾祐二年李君移守郢州師避寇往依之館于郡齋汝州有宋太師者施第為寶坊號新寺延師住持法席雄冠周太祖廣順元年賜其寺額曰廣建師住十二年常餘百衆僧問如何是佛師曰杖林山下竹筋鞭宋太祖開寶六年八月旦日登座說偈曰道在乘時須濟物遠方來慕自騰騰他年有叟情相似日日香煙夜夜燈至十四日手書別諸檀越十五日踰跌而逝壽七十八夏五十九師嗣南院顯顯嗣興化獎獎嗣臨濟玄禪師

戊戌 天福三年

大遼

會同二年

趙

鳳翔

吳越

楚

荆南

唐

閩

蜀

漢

文穆王

昇元年通文年廣聖年大有年

八月晉帝上尊號於大遼主及太后以平章馮道劉臨為冊禮使備鹵簿儀仗車輅詣遼主行礼帝事遼甚謹奉表稱臣曰父皇帝

十月帝以大梁舟車所會便於漕運乃建東京於汴州復以汴州為開封府以東都陽為西京以西都張為晉昌軍節度

私 勅聽公私自鑄銅 錢文曰天福元寶

己亥 天福四年 大遼 會同三年 趙 鳳翔 吳越 楚 荆南 唐李昇 閩 蜀 漢

復 春正月南唐群臣累表請唐主徐知誥復姓李立唐宗廟唐主許之 更名昇破變群臣又請上尊號不受唐主不以外戚輔政宦者不得

預事他國 所不及也

閩 秋閏七月閩主為拱宸控鶴軍使連重遇所弒其叔父 延義自稱威武節度使閩國王更名曦謚閩主曰康宗

○觀世音菩薩 杭州上天竺僧道翊一夕見山間光明往視之得奇香 木命良工刻成觀世音菩薩像白光煥發繼以晝夜漢

高祖乾祐元年有僧從勳者以古佛舍利置菩薩毫相中舍利時現 冠頂。又慶元路剡州道海中補怛洛伽山乃菩薩示現之地唐宣

稽古三

七十一

寶 宗大中年間西域天竺僧至洞中燔指祈禱親觀觀世音菩薩妙相 與說法要名跡始著其後日本國僧慧鑄者自燕北五臺山得菩薩

畫像舍于山側土人張氏張奉之捐所居為觀音院昌國誌云梁貞 明二年始建寺也宋神宗元豐三年遣使王舜封往三韓舟抵洞黑

風驟起龜負舟舜封禱之菩薩現相舟穩還朝以聞朝 廷頒金帛移寺建於梅岑山之陽賜額寶陀今之寺也

庚子 天福五年 大遼 會同四年 閩王曦度民為僧 萬一千人 載 紀

趙 鳳翔 楚 荆南 唐 閩曦蜀 漢

辛丑 天福六年 大遼 會同五年

趙 鳳翔 吳越 楚 荆南 唐 閩 蜀 漢

八月吳越國文穆王錢氏元瓘薨其子弘佐即王位 弘佐溫恭明斷好書禮士躬勤政務治七年壽二十

十一月唐分遣使者按行民田 漢 十二月戊戌漢主寢疾有梵僧謂曰名龔不利 以肥瘠定其稅民咸稱其平允 漢 漢主自造龍宇名之義取飛龍在天讀若儼通

閩主於城南西阜建石塔七層功未半先發如蓋者三夕既成光耀際天又三夕王慰幸遂頷之曰爭先而於其下又建寺宇焉長樂

壬寅 天福七年 大遼 會同六年 六月帝殂

趙 鳳翔 吳越忠 獻王 弘佐 楚 荆南 唐 昇元 閩 求隆 廣政 光天 漢 珍立

南漢即南平廣州也高祖劉龔四月殂秦王弘度即皇帝位更名玢玢中

齊王 史曰出帝諱重貴高祖兄敬儒之子也封齊王高祖五子皆早卒重慶尚幼天福七年六月高祖殂七月守司徒兼侍郎馮道與天

平節度使侍衛馬步都虞候景延廣議國家多難宜立長君乃奉廣晉尹齊王重貴為嗣即皇帝位大臣議奉表稱臣告哀於遼景延廣

請致書稱孫不稱臣李崧諫之不從馮道依衛其間帝卒從延廣議遼主大怒遣使來責讓延廣答以不遜丙午歲開運三年也十一月

遼大舉滅晉遼主命張彥澤遷齊王於開封府頃刻不得留帝在位四年遠遷遼地壽年不載

稱天福八年 開運三

稽古三

七十二

癸卯 天福八年

大遼 會同七年

唐主頽方士藥浸成躁急群臣奏事往往暴怒問道士王淩霞何道可致太平對曰王者治心治身乃治家國今陛下尚未能去飢嗔飽

喜何論太平宋后稱嘆以為至言唐主凡所賜予樓霞皆不受二月唐主疽發背召齊王璟入侍疾謂璟曰吾餽金石欲益壽乃更傷生

汝宜戒之是夕殂元宗景即位

閩族王氏延政稱帝於建州國號大殷初天福四年曦既立驕淫苛虐猜忌宗族其弟建州刺史王延政以書諫之曦怒由是兄弟積相

猜恨戰鬪至是延政稱帝

漢廢帝驕奢不親政事晉王弘熙欲畜之乃盛飾聲伎娛悅其意以成其惡頃之乘其醉而弑之弘熙即皇帝位中宗也改年曰乾和

法眼宗

建康清涼寺禪師各文益生餘杭魯氏七歲依新定智通院全傳禪師落髮弱齡稟具於越問開元寺究毘尼探儒典振

錫南叅抵福州見長慶稜禪師不大發明乃欲出嶺過漳州阻雪於城西石山地藏院禪師往琛問曰上座學解說三界唯心萬法唯識乃指階前石曰此石在石內在心外師曰在心內琛曰行脚人看甚來由安片石在心頭走師窘無以對即放包依席下求決擇一月餘呈見解說道理琛語之曰佛法不恁麼師曰某甲詞窮理絕也琛曰若論佛法一切見成師於言下大悟遂依止久之時唐潞王清泰二年也琛行至江西撫州州牧重師之道請住崇壽院南唐有國唐主迎師住金陵報恩禪院署號淨慧禪師遷住清涼寺大開法化唐主邀師觀牡丹花請師賦詩師應聲曰擁毳對芳叢由來趣不同髮從今日白花是去年紅艷冶隨朝繡鬢香逐晚風何須待零落然後始知空唐主頓悟玄旨至周顯德五年唐之交泰元年也七月十七日師示疾唐主親加禮問閏月五日梓衆跣趺而逝壽七十四臘五十

甲辰開運元年

大遼會同八年

稽一

七二四

趙	鳳翔	吳越國	楚	荆南	唐	閩	蜀	漢
					保大年	朱文進	廣政年	乾和年

舊史

劉煦授司空平章事撰舊唐史佛祖異跡皆載之宋歐陽脩撰唐書始皆刪去

春正月閏拱宸都指揮使朱文進闕門使連重遇絃閩主曦召百官告之曰太祖光啓閩國今子孫淫虐其墜厥緒天厭王氏宜更擇有德者立之衆莫敢言重遇乃推朱文進陞殿被袞冕帥群臣北面拜稱臣文進自稱閩王謚閩主曦曰景宗是年文進爲其下所殺丞首送於建州殷主延明年南唐兵取建州延政降閩合五十年而國除

鐘聲息苦

南唐江南上元縣一民暴死三日復甦云至一殿庭忽見先王繆械甚嚴近問之曰主何至此曰吾爲宋齊丘所誤

殺和州降者千餘人冤訴因此汝得還可語嗣君九寺觀鳴鐘須延其聲受苦聞鐘得暫休息或能爲造一鐘尤善吾在位嘗交聘于閩國彼王遺吾一玉天王像吾常置於警中後藏於瓦棺寺佛左膝無知者汝以此像爲驗民既還具奏之唐主親詣瓦棺寺果得玉像於佛膝感泣造一鐘於建康清涼寺其文曰薦烈祖孝高皇帝脫幽出厄以玉像建塔葬於蔣山法苑珠林

乙巳 二年

大遼 會同九年

趙

鳳翔 吳越 楚

荆南 唐 閩 漢

廣 乾

丙午 三年

大遼 會同十年

趙

鳳翔 吳越 楚

荆南 唐

廣 乾

丁未 四年

大遼 會同十一年

趙

鳳翔 吳越 楚

荆南 唐

廣 乾

遼。四月遼太宗殂在位二十二年五月世宗立諱阮番名兀欲東丹王突欲之子太祖孫也戊申年改元天祿天祿四年辛亥秋九月為燕王迷軋等弒於新州之介神浞在位五年五月楚文昭王希範卒將佐奉其弟希廣立之

稽古三

七十五

吳 六月吳越忠獻王弘佐薨遺令以丞相弘保為鎮海鎮東節度使是歲為內牙統軍使胡進思所廢更立其弟弘敏忠懿王也王留心釋教嗣位之初凡兩浙諸郡名山聖跡之處皆賜金帛創建伽藍福州支提山乃天冠菩薩道場王施七寶鑄天冠像一千身仍創寺宇安麗甲於七閩焉

漢。丁未年春正月遼兵至大梁晉帝與太后已下上表乞降迎於封立門外遼主辭不見封晉帝為負義侯置於黃龍府即慕容燕之和龍城也遼主改服中國衣冠百官起居皆如舊制遷晉帝李太后馮后北行後宮左右從者百餘人契丹三百騎接送之二月遼主還國以蕭翰為大梁節度使翰述律太后兄之子其妹復為遼主后翰始以蕭為姓自是契丹后族皆稱蕭氏述律太祖阿保機之后也夏四月遼主回至臨城得疾及樂城病甚丙子至殺胡林而卒國人為剖其腹實益數斗載之北去晉人謂之帝靶初河東節度使劉知遠聞遼主入汴分兵守四境以防侵軼於是將佐勸知遠正尊號稱令四方知遠不許軍士皆曰今契丹執天子天下無主番漢孔目官耶威都押牙楊邠勸進知遠從之二月辛未即皇帝位乃更稱天福十二年改國號曰漢契丹蕭翰聞漢帝擁兵南來遂欲北歸恐中國無主遂

即位

有唐明宗子李從益與母王淑妃在洛陽翰迎而立之以為帝即諸首長拜之百官謁見淑妃泣曰吾母子卑弱如此而諸公所立是禍吾家也翰留庶兵千人守諸門為從益宿衛翰乃辭行漢帝至洛陽命鄭州防禦使郭從義先入大梁清宮殺李從益及王淑妃漢帝至大梁復以汴州為東宮國號漢

有晉二主合一十一年歸于漢

漢 劉姓以水 高祖 德王都汴 隱帝

高祖 諱知遠改名嵩沙陁部人世居太原與晉高祖俱事唐明宗晉高祖即位以知遠為保義軍鄴度使遷河東鄴度使開運二年封北

平王晉帝北遷帝即位于晉陽在位二年壽五十四

稱天福年一

乾祐一

戊申

乾祐元年

大遼 世宗

天祿元年

稽古三

七十六

趙

鳳翔

吳越 楚 弘微

荆南 唐 保融 保大 保大 保大

蜀 廣安 軍

漢 乾和 年

正月帝大名嵩姑老甲子不豫丁丑殂于萬歲殿秘不發喪二月立皇子承祐為周王即皇帝位時年十八歲冬十月荆南節度使南平文獻王高從誨卒其子保融知留後治十年壽四十一歲

隱帝

諱承祐高祖第二子在位三年壽二十歲

稱乾祐年

已酉

乾祐二年

大遼

大祿二年

趙

鳳翔

吳越

楚

希廣 魏

荆南

唐

保大 年

蜀

漢

一廣 年 乾和 年

韶國師

名德韶慶州龍泉陳氏于年十五出家十七歲依本州龍歸寺受業十八納戒於信州開元寺後唐莊宗同光年中遊方

曾詣投于山同禪師次詣龍牙疎山如是參歷五十四員善知識後至江西撫州謁法眼益禪師倦於參問但隨眾而已一日僧問法眼如何是曹源一滴水眼曰是曹源一滴水師於座側聞之豁然開悟曰干法眼眼曰汝向後當為國王所師致祖道光入尋何本道遊

天台山觀智者顛禪師遺踪有若宿契初止白沙時吳越忠懿王弘
俶為王子刺台州鄉師之名於請問道至是乾祐二年王已嗣吳越
位遣使迎師仲弟子之禮尊為國師有傳天台智者之教沙門義寂
者即縵溪法師也屢言于師曰智者之教年祀綿遠卒多散落唯新
羅國其本甚備請和尚慈力為致之師乃聞于吳越王王為遣使齋
師之書往彼國繕寫備足而還迄今台宗教文獲全者師有力焉師
有偈曰通玄峯頂不是人間心外無法滿目青山法眼聞云即此一
偈可起吾宗宋太祖開寶五年六月二十八日集衆言別跏趺而逝
于蓮華峯壽八十二歲臘
六十五師嗣法眼益禪師

庚戌 乾祐三年

大遼 天祿三年

趙

鳳翔

吳越

楚

荆南

唐

保大年

蜀

漢

廣峻年 乾和年

武平節度使馬希萼希廣之兄也捕楚王希廣殺之希萼自稱武安
靜江寧遠等軍節度使降於唐唐封之為楚王終為唐滅遷馬氏于
金陵夏四月漢制以鄴威為鄴都留守天雄節度使樞密如故以左
監門衛將軍郭榮為天雄衛內都指揮使榮本姓柴父守禮郭威妻

稽古二

七十七

兄也威未有子養榮以為子五月威受命辭行言於帝曰太后從先
帝久多歷天下事陛下富於春秋有事宜稟其教而行之親近忠宜
效遠邪佞善惡之間所宜明審樞密使古僕射同平章事楊邠總機
政樞密使兼侍中郭威主征伐歸德節度使侍衛親軍都指揮使兼
中書令史弘肇與宿衛三司使同平章事王章掌財賦邠等公忠帝
信寵內客省使閻晉卿樞密承旨聶文進飛龍使後匡贊翰林茶酒
使郭允明護諸執政帝年益壯厭為大臣所制遂與樞密聶文進匡
贊允明於十一月丙子且殺邠弘肇章於廣政殿東廡下帝遣供奉
官孟業齋密詔詣澶州及鄴都殺主設又令鄴都行營馬軍都指揮
使郭崇威步軍都指揮使曹威殺郭威及監軍宣徽使王峻郭威乃
召郭崇威曹威及諸將告以邠等寃死且曰吾與諸公披荆棘從先
帝取天下受託孤之任竭方以衛國家今諸公已死吾何心獨生君
輩當奉行詔書取吾首以報天子度不相累郭崇威等泣曰天子勿
中此必左右群小所為願從公入朝自訴盡條鼠輩以清朝廷不可
為單使所殺郭威乃留其養子榮鎮鄴都命郭崇威將騎兵前驅自
將大軍繼之至封丘十一月帝遣慕容彥超等將兵拒之彥超等戰
敗奔還次日帝出勞軍兵敗獨與從官數十人宿於七里寨餘皆逃
潰乙酉旦帝策馬將還宮至玄化門劉銖在門上問帝左右兵馬何

在因射左右帝回轡西北至趙材追兵已至帝下馬入民家為亂兵所執郭威自迎春門入丁亥郭威帥百官詣明德門起居太后具奏稱軍國事請立嗣君太后誥勅河東節度使劉崇之子武寧節度使贊即皇帝位威奏遣太師馮道詣徐州奉迎庚寅威帥群臣上言皇帝到關動涉決旬請太后臨朝聽政壬辰太后始臨朝郭威渡河館于澶州癸丑將士大譟立威擁威南行威乃上太后牋請奉漢宗廟事太后為母武寧節度使贊已至宋州郭威遺贊書云為諸將所逼召馮道先歸贊曰今何以為計道默然十二月己未太后誥廢贊為湘陰公以侍中郭威監國。辛亥年春正月丁卯漢太后下詔授監國符寶即皇帝位監國威自臯門入宮即位於崇元殿制曰朕周室之裔魏叔之後國號宜曰周是月戊寅殺湘陰公于宋州

右漢二主合四年歸于周

郭姓木德
王都大梁

太祖 世宗
恭帝

釋鑑三

七十八

周

太祖 諱威字仲文邢州堯山人父 蘭舉晉為順州刺史威少孤依潞州人常氏潞州留後李繼韜募敢死士為軍卒威年十八以勇力應募晉天福二年范延光以魏州反威為軍士當從揚光遠北征威舊隸劉知遠白知遠乞留人問其故威曰揚公有姦詐之才無英雄之氣得我何用能用我者其劉公乎後事知遠為侍衛都虞候知遠即帝位威贊佐有功拜同中書門下平章事漢隱帝之世屢立戰功為鄴都留守漢乾祐三年十一月隱帝遇弒帝即位三年壽五十二歲

廣順
三

辛亥 元年

大遼天祿四年九月
穆宗立。應曆元年

釋迦文佛入滅一千九百年

趙 北漢 鳳翔 吳越

荆南 唐

保大元年

蜀 廣寧

乾祐

北漢

初河東節度使 兼中書令劉崇漢高祖母弟也高祖即位以崇為太原尹北京留守漢隱帝遇害欲起兵南向關迎其子贊為

帝乃止曰吾兒為帝吾又何求及周太祖代漢殺贊於宋州崇大怒是日即皇帝位于晉陽國號漢乾祐四年二月遼主闕地漢立遺

帝乃止曰吾兒為帝吾又何求及周太祖代漢殺贊於宋州崇大怒是日即皇帝位于晉陽國號漢乾祐四年二月遼主闕地漢立遺

招討使潘聿然遺其子劉承鈞書漢主使承鈞復書言本朝論亡欲
循晋室故事求援請兵遼主大喜夏四月漢王使鄭珙致遼書稱姪
請行冊禮遼帝命燕王述軌冊
命漢為大漢神武皇帝更名曼

世。遼帝九月親行接漢至新州之火神淀燕王述軌及律王之子大寧
宗。王湑僧等率兵作亂弑帝而述軌自立太宗之子齊王述律述於南
山請大臣奉之以攻述軌湑僧殺之并其族黨立述律
為帝改元應曆帝醫巫閭山朝號世宗在位九五年

述。遼穆宗天順皇帝諱璟嘗名述律後更名明太宗之長子也初太宗
攻石晉留帝侍述律太后太宗崩諸將立世宗世宗遇弑諸將迎帝
即位自火神淀入幽州帝年少好遊戲不親國事每夜
酣飲達旦乃寐日中方起國人謂之嚙王在位十八年

○求明 杭州求明寺禪師名道潛河中府人姓武氏初謁法眼益禪師
眼問曰子於參請外看甚麼經師曰華嚴經眼曰捨別同異成
壞六相是何門攝師曰文在十地品中據理則世出世間一切法
皆具六相也眼曰空還具六相也無師憐然無對眼曰汝問我師乃
問空還具六相也無眼曰空師於是開悟異日目士女到院眼問師
日律中道隔壁聞鉞劍聲即各破戒是觀金銀合雜朱紫駢聞是破

釋鑑三

七一九

戒不是破戒師曰好箇人路眼曰子向後有五百禪徒為三侯所重
在師尋禮辭駐錫衢州古寺閱大藏經至是廣順元年吳越忠懿王
弘徽死師入府受菩薩戒署號慈化定慧禪師建大伽藍於南內曰
慧日求明請師居之師請塔下羅漢過新寺符王之先夢也於是又
加應真二字於師號師於周顯
德五年入寂師嗣法眼益禪師

永。杭州慧日求明智覺禪師名述壽餘杭王氏總角之歲歸心佛乘不
明 茹葷日唯一食持法華經七行俱下纔六句悉能誦之感群羊跪聽
年二十八為華亭鎮將志慕真乘吳越文穆王元華知師在道乃從
其志禮龍冊寺翠巖余禪師剃染執勞供衆都忘身宰衣不繒纈食
無重味野蔬布襦以遣朝夕尋往天台山天柱峯九旬習定斤鴉巢
衣禰中暨謁詔國師一見而深器之悟於玄旨乃謂師曰汝與元帥
有緣他日大興佛事師初住雪竇嘗有偈曰孤猿叫落中巖月野客
吟殘半夜燈此境此情誰會意印雲深處坐禪僧吳越忠懿王弘徽
請師開山靈隱新寺明年遷求明大道場衆盈二千僧問如何是求
明妙旨師曰更添香著僧曰謝師指示師曰且喜沒交涉僧禮拜師
曰欲識求明旨門前一湖水日照光明生風來波浪起師居求明十
五年度弟子一千七百人常與七衆授菩薩戒夜施鬼神食放請生

類不可稱第六特散華行道餘力念法華經計萬三千部著宗鏡錄一百卷吳越王為製前後兩序頒入大藏流行今淨慈方丈曰宗鏡堂師之詩得賦詠九千萬言播于海外高麗國王覽師言教遣使祈書叙弟子之禮奉金線織成僧伽黎衣紫水晶念珠金澡罐彼國之僧三十六人承印可記前前後後高麗各化一方宋太祖開寶七年師入天台山度戒約萬餘人明年十二月二十六日辰時焚香辟衆跏趺而逝世壽七十二僧臘四十二次年建塔于大慈山宋太宗賜額曰壽寧禪院師嗣天台詔國師詔嗣清涼法眼益禪師六祖青原派也嗣壽之法者杭州乾明津禪師富陽子蒙和尚在山嘗祖大遼穆宗

壬子

廣順二年

應曆二年

趙北漢
乾祐七年

鳳翔 吳越

楚宣威之
合平七年

荆南 唐

保大七年

蜀 漢
廣政七年 乾和七年

六月朔周帝如曲阜謁孔氏祠命葺之禁孔林樵採訪孔子顏淵之後為曲阜令及主簿

癸丑

廣順三年

大遼

應曆三年

梅檀佛像

自此下一百七十七年在汴京

稽古三

八十

趙北漢
乾祐七年

鳳翔 吳越

荆南 唐

保大七年

蜀 漢
廣政七年 乾和七年

印反初後唐明宗長興三年宰相馮道李愚請刻九經之始。故比年六月成獻之傳布甚廣刊字印之始也

甲寅

正月帝殂 顯德元年

大遼

應曆四年

瀛文懿王馮道薨

是年太師中書令

趙北漢
乾祐七年

鳳翔 吳越

荆南 唐

保大七年

蜀 漢
廣政七年 乾和七年

周帝不豫正月加晉王榮兼侍中判內外兵馬事帝憂誠晉王曰昔吾西征見唐十八陵無不發掘者此無他惟多歲金玉故也我死當衣以紙衣欽以瓦棺速營葬勿又留宮中勿置守陵宮人勿作石羊禿人馬惟刻石置陵前云周天子平生好儉約遺令用紙衣瓦棺嗣天子不敢違也壬辰宣制畢是日帝殂丙申晉王榮即皇帝位

十一月北漢主昱祖承子鈞更名鈞即帝位孝和帝終性孝謹既立勤於為政愛民禮士境內粗安

世宗

諱禁太祖皇后柴氏兄之子也太祖養以

顯德

六

為子封晉王即帝位在位六年壽三十九

乙卯 顯德

大遼 應曆五年

二月周帝

大遼 應曆六年

造僧帳九死

大遼 應曆六年

丙辰 顯德

大遼 應曆六年

趙 乾祐元年

大遼 應曆七年

初宿衛將趙匡胤

大遼 應曆七年

丁巳 顯德

大遼 應曆七年

天會元年

大遼 應曆七年

天會元年

大遼 應曆七年

天會元年

大遼 應曆七年

三月周帝

大遼 應曆七年

停位於太子弘

大遼 應曆七年

主弘避周諱更名

大遼 應曆七年

之儀制皆有降損

大遼 應曆七年

秋七月初行大周

大遼 應曆七年

刑統帝欲均田租

大遼 應曆七年

以元稹均田

大遼 應曆七年

直隸中宗劉弘熙

大遼 應曆七年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

蜀 漢 廣政五年 乾和五年

禮樂有設而不擊者帝問樂... 禮樂以治心形順於外心和... 樂修於上而萬國化於下聖... 道也夫樂生於人心而聲成...

於物物學既成

昔者黃帝吹九寸之管得黃鍾正聲

半之為清聲

八十四調而大備遭秦滅學歷代治

言以生七調為一

李孫張文收考正大樂備八十四調

學者罕能用之

考正大樂備八十四調

安之之亂哭與

考正大樂備八十四調

及後按考工記

考正大樂備八十四調

今之在縣者

考正大樂備八十四調

口酒環而

考正大樂備八十四調

宮亡存

考正大樂備八十四調

今世

考正大樂備八十四調

論臣謹

考正大樂備八十四調

與今昔

考正大樂備八十四調

乃作

考正大樂備八十四調

及黃

考正大樂備八十四調

久徵

考正大樂備八十四調

為然

考正大樂備八十四調

十二

考正大樂備八十四調

立

考正大樂備八十四調

青

考正大樂備八十四調

恭

考正大樂備八十四調

五

考正大樂備八十四調

仁

考正大樂備八十四調

定

考正大樂備八十四調

而

考正大樂備八十四調

德

考正大樂備八十四調

祖

考正大樂備八十四調

于

考正大樂備八十四調

登

考正大樂備八十四調

由

考正大樂備八十四調

大

考正大樂備八十四調

右

氏稽

卷二

八二

